


浙江通志 百六十三

名臣五
忠臣一



漢書門				
二三五二	九〇	一四	一〇	冊
號	函	架	冊	
類				

內閣文庫			
二九二	三三五	漢	
函	冊	書	
一〇	〇	架	類

內閣文庫			
番號	漢	2352	
冊數	120	(64)	
函號	232	48	



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



勅修浙江通志卷一百六十二

人物一

名臣五

淺草文庫



嚴州府

公望

宋史本傳字民表睦州人舉進士建中靖國元年拜左司諫時內苑稍蓄珍禽奇獸公望力言

非初政所宜他日入對帝曰已縱遣之矣惟一自鵬

言之久終不肯去帝以拄杖逐鵬乃刻公望姓名於

杖頭以識其諫蔡王府史以語言疑似成獄公望極

言論救出知淮陽軍蔡京為政編管南安遇赦還家

卒建炎中贈

胡國瑞

兩浙名賢錄字嘉言壽昌人登崇寧二年進士第以博洽稱大觀初命修九域志除編修官時

名臣五

奔競成風國瑞獨以在館為樂不覲他徒高宗時累官至吏部侍郎與秦檜為姻家而力排和議乞斬檜以謝天下聞者股栗求外補知舒州致仕家居開義學置贍士田鄉人名其田曰義坂

王縉 嘉靖浙江通志字子雲分水人崇寧進士累官監察御史遷右司諫每謂人才實難多事之際宜為朝廷愛惜以故不專彈擊惟論安危大計與所以啓沃君心者君子謂得諫臣體壽乞外知温州復知常

州罷

葉義問 宋史本傳字審言壽昌人建炎初登進士第為

提刑黃敦書劾之詔勿問遷知江寧縣召秦檜所親

役同僚不可義問曰釋是則何以服他人卒役之尋

通判江州豫章守張宗元忤檜或以飛語事下漕

臣張常先時宗元道九江常先檜義問拘其舟義問

投檄曰吾寧得罪不為不祥常先白檜遂罷去檜死

名擢殿中侍御史樞密湯鵬舉效檜所為植其黨尚

方崇李庚置籍臺諫鋤異已者義問累章劾鵬舉并

方崇等皆罷之遷吏部侍郎尋拜同知樞密院事余

馬大同 新定續志字會叔郡人紹興二十四年進士自

上與語明日謂宰執曰夜來馬大同奏對朕與之辨

論氣節可喜由是簡知孝廟有大用意後每對上輒

陳恢復大計歷中外要官必求盡職

汪白強 兩浙名賢錄字行之淳安人紹定二年進士為

孟饗赤縣出班起居上目送之除監察御史兼崇政

殿說書京尹顧岳託婚東官以希內授自強露章劾

之岳坐免官婚亦寢朝野悚

然尋遷大理寺卿乞身歸

明

洪瑛 萬曆嚴州府志字宗器淳安人永樂辛丑進士授

刑部主事改工部所至有聲正統初以楊士奇薦

魁吏部右侍郎毅然以進退人才為己任人不敢以私謁朝廷重之

項文耀

嚴陵志字應昌淳安人宣德癸丑進士觀政兵部尚書王驥奇其才俾修馬政復奉使西洋所

至民不擾而事治授兵部主事未幾征麓寇及整飭

不侍郵轉吏部左侍郎兼詹事文耀持已蒞官並以

董敏清慎著聞天順初被誣終於家成化五年詔復

姚夔

一獻徵錄字大章號損菴桐廬人正統壬戌會試第

用薦超擢南京刑部侍郎時刑部規矩廢弛夔一以

嚴肅持之獄無滯囚英宗復位調禮部未幾調吏部

不真定守以舊貽敗石亨挾勢囑復其官同列附亨

者會擬准夔來刺夔擲筆大言曰吾寧不做侍郎必

不判此夔事竟止亨敗附亨者皆降黜而夔遷禮部

尚書明於典禮成化乙酉耕藉田幸太學皆從所請

慈懿太后崩中旨議別葬事下禮部夔率羣臣覆奏

曰山陵宗廟聖孝所先綱常典禮國家攸重萬一合

夔禍廟之禮少有疑沮關係非細豈能保其將來無

虞福改正者上覽奏感動卒從其議遷吏部尚書釐

正庶務刻革宿弊品藻人物進退惟公卒贈少保

諡文敏子璧字良甫天順進士官思明府同知

商輅正統乙丑會試廷試皆第一除翰林修撰景帝即

位命入內閣參預機務尋遷學士上皇居南宮錦衣

指揮盧忠妄言告變中官阮良被刑死猶窮治不已

諸大臣無敢言者輅獨奏曰不可聽宵人以傷大倫

商輅

正統乙丑會試廷試皆第一除翰林修撰景帝即

帝悟乃誅忠遷兵部左侍郎景帝不豫輅與禮部尚

書姚夔請復立沂王為太子不許輅援筆曰陛下宣

宗章皇帝之子當立宣宗章皇帝之孫聞者感動以

遂下詔復景帝廟號祭禮如諸陵悼恭太子薨時紀妃有子六歲矣畏萬貴妃莫敢言久之左右稍聞於上上立召見雷宮中而紀妃仍居西宮輅恐貴妃不利於皇子思為保護計上疏請勅令移就近所俾母子朝夕接見而皇子仍藉貴妃撫育於是紀妃遷永壽宮輅又請出皇子示羣臣勅禮部擬名以聞越數日上諭奉皇子御文華門輅趨御前頓首曰陛下踐昨十年繼位尚虛天下臣民引領望久矣當即立為皇太子安中外心帝頷之逾月紀妃薨輅請如宋李宸妃故事殯葬諡號悉如禮是年冬皇太子立加輅太子少保改吏部尚書黑書見疏弭災八事尋進謹身殿大學士時汪直督西廠恃寵數興大獄輅率閣臣條直十罪言非速罷伺察之司天下安危未可知也上愷曰一內賢何遽危天下誰實主此奏者太監懷恩傳旨詰責其屬輅正色曰朝臣無大小有罪皆請旨逮問直敢擅收三品以上京官大同宣府邊城要害守備緩急不可缺直敢一日擒械數人南京祖宗根本地雷守大臣直敢擅自收捕諸近侍在帝左右直敢輒易置直不去天下安得不危懷恩咋舌退是日遂罷西廠然直雖不視廠事而寵幸如故會故

大學士楊榮曾孫有罪為直所發詔連輅直又從中問之輅遂力求去加少保馳傳歸家居十年卒贈太傅謚文毅子良臣成化二年進士官翰林侍講

何陞

萬曆嚴州府志字文達淳安人正統戊辰進士拜戶科給事中正統末朝廷方有事朔漠命陞與御史楊春趨運邊餉晝夜兼行不避危險已而也先效順正統駕還與同官李侃抗章請備邊郊迎詞極懇至識者題之戶部尚書金濂會計軍興財用議更稅畝之法將天下夏稅秋糧混同科收以紓急用陞執奏不可事遂寢天順六年陞河南管河右參議時黃河為患陞相其便宜疏通沁水下流使復舊道漕運無虞軍民賴之

胡拱辰

兩浙名賢錄字共之淳安人正統己未進士知縣名拜御史歷陞廣西右布政會兩廣徭人作亂協同總兵勦平之陞右副都御史提督操江連年荆江巨盜皆以次捕獲江徽肅清進南兵部侍郎時孝宗春秋方盛儲位尚虛拱辰首上言前星遂定陞南工部尚書議修內府寢殿所需之材估用五十

力修折工題三 卷一百六十一 名臣五 四

一萬有奇拱辰以江南旱澇相仍民力弗堪
覆議得省什一乞歸卒贈太子少傅諡莊懿

宋晏

嚴陵志字弘澤淳安人景泰辛未進士授大理寺
評事轉左寺正獄訟經所讞者皆自以為無冤歷

督兩廣殄滅蠻寇恩威並著弘治元年致仕

徐貫

南新名賢錄字原一淳安人天順丁丑進士授兵
部主事進郎中黔國公沐琮奏請節制三司貫曰

黔國世守滇南爵列上公恩寵殊厚而不使節制三
司者蓋有深意也不見唐之藩鎮乎事遂寢尋擢福

建右叅議分守延平值民饑多方設法出官廩減價
以拯恤之歷陞右副都御史巡撫遼東時鎮守總兵

多佔軍丁為佃戶者悉奪歸還屯處置遼方俱有條
緒將吏畏服陞工部右侍郎轉左蘇松水患貫奉勅

往治之簡委有司畫地分理授以方畧水患悉平
晉尚書累加太子少保乞歸卒贈太保諡康懿

徐懷

嚴陵志字明德建德人天順庚辰進士授刑部主
事歷置至南京刑部右侍郎居官勤慎所至洗竇

以遺子孫清自之操無愧古人云

徐節

壽昌縣志字時中成化進士授內鄉知縣時歲荒
民死者枕藉節集巨室貸萬石活若干人尋擢御

史上疏數錦衣指揮牛循罪劾宰臣萬安等山知太
平府進雲南叅政破梁山竹箐諸賊遷廣西布政征

財穀邊鄙晏然以忤逆瑾歸瑾誅復職致仕

王浚

分省人物考字德深建德人正德戊辰進士授薊
州知州以事忤逆瑾逮錦衣獄瑾誅乃釋陞刑部

員外郎武宗南巡同諸僚疏諫廷杖幾斃出為山東
按察僉事進貴州兵備副使土夷吳尚賢構亂設方

累擒之地方以寧歷陞右副都御史提督南贛軍務
奉宣德意中以威嚴數年間軍旅不興帑儲大省進

刑部右侍郎致仕

毛一公

遂安縣志號明齋萬曆己丑進士授漢陽府推
官有政聲行取工科給事中時國本未定上疏

力爭罷歸里居二十餘年光宗改
元擢尚寶司丞陞南光祿寺少卿

毛一瓚

嚴州府志字獻卿遂安人萬曆壬辰進士觀政
禮曹時有倡三王並封之議者一瓚手疏爭之

議尋寢初授進賢令以治最名拜文選主事歷遷正郎凡司大計者一掌選者三杜苞並絕請托銓政一清疏陳選法十餘條皆切中時弊以忤權貴托病歸

姜習孔

送安縣志字素臣萬曆丁未進士宰沅陵調繁

頓革奏蠲南直隸舖設三殿錢糧百六十萬客魏擅政以疏糾內臣冒蔭奪職為民崇禎改元起南大理寺丞晉鴻臚寺卿謝病歸

溫州府

宋

許景衡

宋史本傳字少伊瑞安人元祐九年進士宣和

使將北伐景衡論其貪糶不可用者數十事不報睦寇平江浙郡縣殘毀而茶鹽比較之法如故景衡奏茶鹽之法當以食之衆寡為歲額之高下今收復之後戶版半耗民力蕭然而茶鹽比較不減於昔民欲

無困得乎奏入詔兩浙江東路權免茶鹽比較明廷既興燕雲之師調度不繼誅求益急景衡奏不急之務若營繕諸役花石綱運其名不一吏員很多軍額冗濫又無名功賞非常賜予皆資緣倣倖干請無厭宜節以祖宗之制且極論和糴鹽法之害不報高宗即位除御史中丞宗澤為東京留守言者附黃潛善等多攻其短欲逐去之景衡奏曰澤赤心為國今若較其小短不顧盡忠之節則不怨已甚且開封宗廟社稷所在苟欲罷澤必遣留守不識縉紳中威名政事有加於澤者乎疏入上大悟封以示澤澤乃安杭州叛卒陳通作亂浙西提刑趙叔近招降之請授以官景衡曰官吏無罪而受誅叛卒有罪而蒙賞賞罰倒置莫此為甚卒奏罷之除尚書右丞有大政事必請問極論黃潛善汪伯彥以景衡異已共排沮之罷為資政殿大學士提舉洞霄宮卒諡忠簡

陳楠

宋史本傳字季任平陽人政和二年廷對第三紹

興初為金部郎中時言事者率毛舉細務楠抗言今當專講治道之本修政事以攘敵國不當以細故勤聖慮又言刺史縣令不能得人乞選監司重其權

久其任尋以楠知襄陽府充京西南路安撫使金房
兵叛楠遣將平之而後以聞襄漢兵火之餘民物凋
瘵楠請於朝以今之戶數視承平時纔二十之一而
賦須尚多乞重行蠲減漢水決溢漂蕩廬舍楠躬率
兵民捍築堤岸賴以無虞改知廣州充
廣南東路經略安撫使以疾乞祠卒

吳表臣

宋史本傳字正仲永嘉人太觀三年進士累官
右正言高宗詔臺諫條陳大利害表臣請措置

上流以張形勢安幅淮甸以立藩蔽擇民兵以守險
阻集海舶以備不虞其策多見用遷吏部尚書時秦
檜欲令使金議地界非此事堂曰歸來可坐此表臣
不答又以議大禮忤意罷去晚號湛然居士自奉無
異布衣時鄉
論推其清約

婁寅亮

宋史本傳字陟明永嘉人政和二年進士爲上
虞丞建炎四年高宗至越寅亮上疏云屬者椒

寢未繁前星不耀乞遴選太祖諸孫有賢德者視秩
親王以待皇嗣之生退處藩服并選宣祖太宗之裔
材武可稱之人升爲南班以備環衛帝讀之感
悟擢監察御史時相秦檜惡之諷言者論罷職

薛徽言

宋史本傳字德老温州人登進士第紹興二年
遣使分行諸路徽言以權監察御史宣諭河南

時郡道柱陽旱飢徽言請於朝不待報卽諭漕臣發
衡承米以賑而以經制銀市米償之擢起居舍人秦
檜與金人議和徽言疏爭之一日檜於上前論
和徽言直前引義固爭反復數刻後中寒疾卒

林季仲

兩浙名賢錄字懿成永嘉人登宣和進士調婺
州兵曹遷仁和令建炎初杭卒亂季仲躬率弓

手士兵捍截有功改宣毅郎高宗幸永嘉中丞趙鼎
薦爲臺官及鼎輔政累遷吏部郎面對乞重縣令之
選願從陛下乞一令以自効又云臣之郎曹求爲
縣令似不情者然官職輕重惟陛下如何以省部爲
重則重在郎官以斯民爲重則重在縣令郎官出宰
百里請自臣始尋除大常少卿鼎罷相亦由知泉州
鼎再相乃除檢正時秦檜主和議季仲上疏引夫差
勾踐事爭之大忤檜意罷去久之起知婺州處州復
以直祕閣奉祠

張闡

宋史本傳字大猷永嘉人宣和六年進士紹興十
年除祕書省正字遷祕書郎秦檜每薦臺諫必先

諭以已意嘗謂闡曰祕書久次欲以臺中相處何如
 闡謝曰丞相見知得老死祕書幸矣檜默然竟罷主
 管台州崇道觀起吏部員外郎孝宗在王邸帝妙選
 宮寮謂莊重老成無踰闡者改命祠部兼王府贊讀
 孝宗卽位權工部侍郎兼侍講金主亮死復求和再
 議遣使闡言宜嚴遣使之命正敵國之禮彼或不從
 則有戰耳如是則中國之威可以復振是冬給札侍
 從臺諫條時務時應詔數十人惟闡與國子司業王
 十朋指陳時事斥權倖無所回隱隆興元年真拜工
 部侍郎俄報王師收復靈壁闡慮李顯忠邵宏淵深
 入無援奏請益兵殿後已而果失利衆論歸罪於戰
 闡曰諸將無援而敗當矯前失安可遽沮銳氣帝壯
 其言益出御前器甲付諸軍軍聲復振賊數易臺諫
 闡力言之帝曰好名如某人但欲得直聲而去闡曰
 唐德宗疑姜公輔賣直陸贄切諫願陛下深以爲鑑
 金人求和帝與議闡曰彼欲和畏我耶愛我耶直款
 我耳力陳大害不可許帝曰朕意亦然始隨宜應之
 帝記賣直之語謂胡銓亦及此朕非拒諫者辨是非
 耳闡曰聖度如天奈何與臣下爭名帝曰卿言是也
 除工部尚書金以書通好所請三事綱書歲幣議已

定惟割唐鄧海泗未決衆言紛紛不已闡謂不與四
 州乃可通和議論先定乃可遣使今彼客我主金勢
 已衰何必先示以弱朝論避之引疾乞骸乃除顯諫
 直學士提舉太平興國宮陞辭帝問所欲言闡奏許
 和則忘祖宗之警棄四州則失中原之心遣歸正人
 則傷忠義之氣惟陛下毋忘老臣平昔之言其指時
 事尤諄切加賜金犀帶特許佩魚居家踰月卒贈端
 明殿學士朱熹嘗言秦檜力主和議摧折忠臣義士
 之氣遂使士大夫壞安成習至癸未和議則知其非
 者鮮矣朝論問有建白其言金人世讐不可和者惟
 胡右史銓張尚書闡耳

沈大廉兩浙名賢錄字元簡瑞安人建炎進士歷遷樞
 密院計議官紹興更化拜監察御史遇事敢言
 無所顧望給事中周葵以封駁忤旨去職大廉力陳
 其不可無何中書舍人凌景夏相繼去大廉復力言
 之俱不報自以不得其言求補外除直
 祕閣福建提刑一時公議翕然歸重

王十朋宋史本傳字龜齡樂清人秦檜死上視政策士
 擢爲第一授紹興府簽判或以書生易之十朋



裁決如神吏奸不行召為祕書郎兼王府小學教授
十朋輪對言權雖歸於陛下政復出於多門是一檜
死百檜生也上嘉納秦檜久寒言路至是十朋與馮
方胡憲查籥李浩相繼論事太學生為五賢詩述其
事除著作郎孝宗受禪拜司封郎中累遷國子司業
言人主有大職三任賢納諫賞罰是也上嘉之除起
居舍人升侍講每見必陳恢復之計及將北伐上疏
曰靖康之禍亘古未有陛下志在興復奈何大臣不
能仰副願戒在位者去附和之私心贊國家之大計
則中興日月可冀因論史浩入罪曰懷奸誤國植黨
盜權忌言蔽賢欺君誦上上為出浩史正志與浩族
異拜浩而父事之十朋論宜黜正典刑林安宅出入
史浩龍大淵門盜弄威福至是詐病求致仕十朋并
疏其罪皆罷去張浚出師復靈壁虹縣又復宿州會
李顯忠鄧宏淵不協王師失律浚上表自劾主和者
乘此唱異議十朋疏言臣素不識浚聞其誓不與敵
俱生心實慕之今浚遣將取二縣一月三捷及王師
一不利橫議蠶起臣謂今日之師為祖宗陵寢為二
帝復讐為二百年境土為中原弔民伐罪非前代好
大生事者比陛下固不以一劔為羣議所搖然異論

紛紛浚既得罪其可尚居思憲之職乞賜寬宥改
徐吏部侍郎力辭出知饒州移慶州又移湖州清湖
去起知泉州七遷四郡布上恩恤民隱所至人給而
祠之東宮建除太子詹事力疾造朝疾革累告老
以龍圖閣學士致仕命下而卒紹興三年謚忠文子
詩詩問禮皆為學自立聞詩知光州提點江東刑獄
問禮知常州江東轉運
判官為治能守家法

胡襄 浙名賢錄字季臯永嘉人登紹興第隆興初以
王十朋薦除江西提刑召對備言宣靖間事臣實
親見豈惟廟謨外失亦由人心內離願陛下覽觀覆
轍備而後動孝宗傾聽除太常少卿兼樞密都承旨
左相陳俊卿雅相敬重襄每燕必舉當世弊事與
政所宜先者俊卿喜其助已益重之除直徽猷閣江
東提刑移福建卒襄早學於胡安國固已一出於正
晚復交朱子由是體用浹洽本末純粹朱子嘗語人
曰永嘉前一輩人物究竟終
別蓋指劉許以後及襄也

薛季宣 宋史本傳字士龍永嘉人起居舍人徽言之子
年十七起從荆南帥辟書寫機宜文字時汀淮



仕者聞金兵且至皆預遣其孥而繫馬於庭以待季
宣獨留家與民期曰吾家即汝家即有急吾與汝皆
死民亦自奮乃行保伍法置樓置戍訖兵退人心不
搖召為大理寺主簿未至會江湖大旱流民北渡江
宰相虞允文白遣季宣行淮西收以實邊季宣為表
廢田相原隰復合肥三十六圩立二十二莊於黃州
故治東北以可授屋以丁授田凡為戶六百八十有
五分處合肥黃州間謂人口吾非為今日利也合肥
之坪邊有警因以斷柵江保巢湖黃州地直蔡衝諸
莊輯則西道有屏蔽矣還言於孝宗曰近或以好名
棄士大夫好名特為臣子學問之累人主為社稷計
惟恐士不好名誠人人好名畏義何嚮不立帝稱善
進兩官除大理正自是奏請論薦皆報可出知湖州
會戶部以磨付場務錙銖皆分隸經總制諸郡束手
無策季宣言自經總制立額州縣鑿空以取贏雖有
奉法吏思寬弛而不得騁若復額外征其強半郡調
度顧安所出殆復巧取之民民何以勝戶部譙責愈
急季宣爭之愈強臺諫交疏助之乃收前命改知常
州未

薛叔似

宋史本傳字象先其先河東人後徙永嘉游太
學解褐國子錄初登對論自熙寧雜賦日增而
民困滋甚孝宗嘉納遷太常博士時倣唐制置補闕
拾遺上自除叔似左補闕光宗受禪進權兵部侍郎
兼國用司叅議官兩浙民有身丁錢叔似請於朝遂
蠲之韓侂胄開邊除兵部尚書侂胄誅謫福州久之
許自便卒

何溥

兩浙名賢錄字通遠永嘉人試禮部第一登紹興
進士第歷臨安府學教授授刪定官出通判婺州
忤秦檜罷檜死以薦除監察御史遷右司諫彈劾不
避除諫議大夫首論將帥不治兵而治財戰鬪之士
變為商賈繼劾鎮江都統制劉寶及吏部侍郎沈介
又率同列攻丞相湯思退俱罷之在言路六年知無
不言號為稱職除翰林學
士兼吏部尚書以疾卒

徐誼

宋史本傳字子宜一字宏父溫州人乾道八年進
士異官太常丞孝宗臨御久事皆上決執政惟奉
旨而行羣下多恐懼顧望誼諫曰若是則人主日聖
人臣日愚陛下誰與共功名乎及論樂制誼對以宮

名臣五

亂則荒其君驕商亂則破其臣壞上改容曰卿可謂不以官自惰矣寧宗即位遷權工部侍郎侂胄恃功以賞薄浸缺望誼告汝愚曰異時必為國患宜飽其欲而遠之不聽汝愚雅器誼除授建明多咨訪之誼隨事裨助不遊形迹侂胄疑將排已忿怨恨以御史胡紘疏責南安軍安置卒後諡忠文

蔡幼學

宋史本傳字行之瑞安人年十八試禮部第一下使姨子預兵柄其人無一才可取宰相忍與同列曾不羞耻蓋指說也帝覽之不擇遂得下第授廣德軍除勅令所剛定官光宗立推校書郎寧宗即位韓侂胄方用事指正人為偽學其論者立黜遂求外除提舉福建常平陞辭言今除授命令徑從中出而大臣之責歸諸省經筵無故罷去而多士之心惑或者有以誤陛下至此侂胄聞之不悅遂為御史劉德秀劾罷奉祠者八年起吏部員外郎遷國子司業兼權中書舍人侂胄既誅餘黨尚塞正路幼學次第彈繳竄黜尤衆遷中書舍人兼直學士院除吏部侍郎仍兼職趙師羿除知臨安府幼學言師羿權臣進官三尹京兆須籍無善狀詔必出褒語臣何辭以章

命遂廢除福建路安撫使名權兵部尚書兼太子詹事先是朝廷歲幣入金值有難不果納則遽以兵明邊首言當與幼學言至昂之使未還而侵軼之師奄至天怒人憤可不伸人義以破其謀乎於是朝論奮然給諸兵金絕幼學因請固本根以弭外虞示意向以定衆志公汲引以合材謀審懷附以一南北帝稱善一夕星隕於屋西南遂卒幼學器質疑重終日危坐一語不妄發及辨論義理如決江河嘗續司馬光公卿百官表年曆大事紀備忘辨疑編年政要列傳舉要凡百餘篇萬曆溫州府志謚文懿子齋節範俱為名臣

蔡必勝

兩浙名賢錄字直之平陽人乾道初中右科第一授江東將領名試為閣門舍人倖臣曾覲方用事冀其過已必勝故不往出知邵州陞辭論擇方面人才為天下大計孝宗異之曰觀卿儀表非俗前程未可量也光宗在東宮問其不見會觀歎息言必勝固是佳士及即位擢知閣門事光宗病不能喪必勝與趙汝愚定議立寧宗韓侂胄方規專權忌之出知廬州既鎮淮右遂議浚肥河造戰船大張聲勢以



基遠圖侂胄益忌之擢吉州刺史奉祠卒必勝為政能救人疾苦審事利病條畫修廢先後以倫其忠孝慈良根於天性故凡所立皆得其大者

葉適

宋史本傳字正則永嘉人淳熙五年進士除太常博士嘗薦陳傅良等三十四人後皆名用會朱熹為侍郎林栗所劾適上疏爭之疏入不報光宗嗣位由秘書郎為尚書左選郎官時帝以疾不朝重華者七月事皆廢不行適力言之上兩詣重華都人懽悅適復奏自今宜於過宮之日令宰執侍從先詣起居異時兩宮聖意有難言者自可因此傳致不可復使近習小人增損語言以生疑惑不報及孝宗不豫光宗不能執喪適曰上疾而不能執喪將何辭以謝天下今嘉王長若預建參決則疑謗釋矣宰執用其言同入奏立嘉王為皇太子帝許之俄得御批有歷事歲久念欲退閒之語人心愈搖樞密趙汝愚憂危不知所出適告知閣門事蔡必勝與傅昌朝關禮韓侂胄三人定計誣白汝愚以內禪議太皇太后許之翌日嘉王即帝位百官班賀中外晏然凡表奏皆汝愚與適裁定遷國子司業而侂胄恃功怨望適歎曰禍自此始矣遂力求外俄為御史劾所劾降兩官罷主管冲佑觀起知泉州召對言治國以和為體處事以平為極臣欲人臣忘已體國息心既往圖報方來可也帝嘉納之初侂胄患人不附創偽學之名舉海內知名士貶竄殆盡後侂胄亦悔故適奏及之自是禁網漸解除權兵部侍郎會詔諸將四路出師適又告侂胄宜先防江不聽未幾諸軍皆敗侂胄懼除適知建康府兼沿江制置使金兵大入適募人劫營俘馘以歸解和州圍進寶文閣待制兼江淮制置使措置屯田遂上堡塢之議度沿江地創三大堡石跋則屏蔽采石定山則屏蔽靖安瓜步則屏蔽東陽下蜀西護溧陽東連儀真三堡就流民漸歸侂胄誅中丞雷孝友劾適附侂胄遂奪職奉祠凡十三年卒贈光祿大夫謚忠定萬曆溫州府志學者稱水心先生有習學記言荀揚問答外稿水心集

曹叔遠

宋史本傳字器遠瑞安人紹熙元年進士為國子學錄忤韓侂胄罷通判涪州後守遂寧營卒莫簡稱亂勢張甚入遂寧境輒戢其徒無肆暴曰此江南好官員也後入朝權吏部侍郎遇事獻替多所

裨益終微猷閣
待制諡文肅

曹

宋史本傳字西士叔遠族子嘉泰二年進士擢秘書丞出為浙西提舉常平而陳和釋折納之弊名

為左司諫與王萬郭磊卿徐清叟俱負直聲時號嘉熙四諫進禮部侍郎終寶章閣待制諡文恭

林略

宋史本傳字孔英永嘉人慶元五年進士累遷左司諫兼侍講告帝曰虛心以為從諫之本從諫以

為求治之本嘉熙二年同簽書樞密院事以資政殿學士致仕

趙立夫

兩浙名賢錄字德成樂清人登開禧第調龍泉簿累遷大理寺正出知湖州改嚴州諸粟備荒

最聲上徽進太府卿兼知臨安府入對理宗語之曰京師細民當一意撫摩使常在春風和氣中遂於府

西建春和樓推廣德意奉祠去起為浙西提刑兼守平江有旨和親立夫奉詔釋二百萬斛不擾而辨二

年復以戶部侍郎兼京尹郡民間之皆喜曰我輩又在春風和氣中矣尋除刑部尚書授龍圖閣待制提

舉萬壽宮進賢莫閣直學士

周端朝

萬曆溫州府志字子靖永嘉人行已族孫少濤

進紹興中入太學趙汝愚罷相端朝與同舍生楊炎中等上疏救之得罪羈信州久之放免時號六君子

登嘉定第調梓陽軍教授首立濂溪祠以示準的改太學錄選博士入對言人主之學與士大夫不同士

大夫一心之存亡繫一身之是非人主一念之操舍關天下之休戚遷秘書少監兼侍讀乞廣收名以備

其選於是蔣重珍徐清叟葉味道相繼進用除權刑部侍郎卒謚文忠

陳峴

兩浙名賢錄字來東平陽人中文宏詞科歷除禮部郎中書舍人坐不肯草蘇師旦節度

使制免明年起知廣州修城濬濠置勇敢軍以壯聲勢明寇不敢作徙知泉州召為兵部侍郎未至卒

陳昉

兩浙名賢錄字叔方峴子以父任入官知浦城縣

盜起鄰郡昉措置得宜迄不犯境繼而老弱阻飢極力賑救境內以安真德秀薦之朝與劉克莊等號

端平八士遷司農丞進直煥章閣樞密副承旨權吏部侍郎丐去知福州重士愛民威惠兼至蠲宿逋却

例冊去郡之日帑廩充切閩人論良牧必以昉為首

名為工部侍郎景定初以寶章閣待制知建寧府屬
邑產禾一本四十餘穗人以爲善政所感除吏部尚
書拜端明殿學士提舉
秘書省致仕卒謚清惠

王持屋

兩浙名賢錄字載仲樂清人選入太學有聲嘗
率六館叩關論史嵩之登淳祐進士第入浙西

帥幕時有薦丁大全可任臺諫者持屋謂其內懷奸
狡外示狂率使其得志必爲國家憂大全聞之憾焉
未幾以著作兼左曹郎吳潛罷相持屋輪對言於理
宗曰宰相進退人材當進賢退不肖不當以用舍快
恩讎潛既持屋上疏力爭之不聽遂罷歸賈似道怨
潛甚疑持屋黨潛併惡之由是十五年間三擢不越
郎曹二典皆不終似道敗
始除大理少卿未上卒

陳力修

萬曆溫州府志字介翁平陽人登紹定第歷除
浙西提刑海寇蘇阿六積暴前使者置不問力
修設計授吏擒之正其罪浙右震悚除祭酒兼中書
舍人面對言揆路蔽賢之罪理宗大悟會戚里有以
濫恩驟進者格其命遂奉祠去盜起荻浦朝廷
召昇憲節往諭盜聞風潰去久之復請祠歸

周元龜

溫州府志字錫疇平陽人登嘉熙第歷江准諸
司幹官開慶間提轄左帑時太學六士叩關時

相怒其攻已欲去之將以元龜爲諫官諷以意元龜
正色曰臺諫天子耳目不可以市私恩直士國家元
氣不可以報私忿遂被劾除主管官誥院未幾委買
江東限田元龜曰熙寧間海內無事王安石以新法
騷動釀成不忍言之禍普天莫非王土未
聞瘠子以肥父而家可爲者又被劾去

明

黃淮

獻徵錄字崇豫永嘉人洪武丁丑進士除中書舍
人永樂元年命爲左庶子兼侍讀嘗有告黨逆者

淮曰洪武末年已有勅禁革不宜復舉從之夫獄遂
息靖難師後吏部例以南人官北土不効順者奏編
行伍淮曰近有勅旨征討官與舊官事同一體若復
追罪南人與勅旨相背上即罷之阿魯台旣納款欲
收土番諸部聽其約束請朝廷刻誓詞於金錠集諸
部長磨酒飲之以盟淮曰諸部各自爲心則力易制
若併爲一則愈難爲矣豈可墮其奸謀上顧左右曰
黃淮如立高岡無遠不見爾輩如立平地所見惟目

前耳至於讞疑獄議鈔法其識見尤為人所不能及
仁宗嗣位陞少保戶部尚書兼武英殿大學士宣德
初以疾乞歸

湯宗

分省人物考字正傳平陽人由太學生歷遷刑部
郎中永樂初擢蘇州知府坐事左遷用薦名授大
理寺丞時外夷貢使病死從人謂醫殺之獄成宗閱
牘歎曰夷人於醫素無仇怨寧有故殺之理卒辨其
誣仁宗蒞政進左少卿陞南大理寺卿宣宗嗣位命
宗理戎籍於山東時天久不雨宗極陳民間飢饉貧
困之狀請免租稅蠲徭役罷不
急之務帝皆從之尋名還卒

陳奎

萬曆溫州府志字秉文平陽人永樂進士歷禮部
主事工部郎中營疏解太僕陳兩馬政之謹
編遺戶以萬計正統初議也先桀驁勢必犯順宜於
河套等處增城堡以助馳突至己己果有土木之變
又論中貴土振之黨云
治以救侍講劉球廷論壯之
吾學鑑守大綸樂清人北統己未進士宗泰初為
儀制郎中屢有論建懷獻太子卒人心危懼御史

章綸

鈺同諷禮部請復立沂王東宮綸亦疏言
天下十有四年陛下親為臣子歲時神且宜
朝見延安內復汪后於中宮以正帝儀復沂王於東
宮以定國本帝見疏大怒下詔獄炮烙煅鍊迫綸引
大臣及通南城狀體無完膚竟不承乃銅禁獄中天
順初首詔出獄拜禮部右侍郎二年山東大水民飢
守臣請免田租不允綸再請得減十五尋改南
京吏部成化十二年請老卒特贈尚書諡恭毅

章元應

萬曆溫州府志字順德綸子成化乙未進士任
南京禮工二科給事中慷慨敢言有父風孝宗
初嘗按劾中官汪直并其黨陳鉞疏救邊臣馬文升
薦王恕邱濬楊守陳何喬新堪任宰輔時論偉之累
官廣東布政使卒

高友璣

萬曆溫州府志字肅政樂清人弘治庚戌進士
以刑曹出守九江治為十三郡最時田州土官
岑猛作亂廷簡有幹局達權變者官其地遂陞廣西
叅政管田州府事單車入境諭以順逆禍福不煩兵
而款東聽命擢陝西布政使尋為副都御史巡撫大
同以抑貴幸坐致仕用薦起為總督漕運副都御史

誅江淮鹽徒首惡宥其脅從旋晉南京刑部尚書謝病歸卒贈太子少保諡襄簡

王曾字思獻永嘉人弘治丙辰進士授翰林院編修正德丙寅陞侍講充經筵講官進講

舉進士錯枉章舉宦官宮妾以風激指逆瑾瑾怒捏旨誅責遷國子司業瑾誅進南祭酒講明正學著四書

五經誠敬等箴改北祭酒權禮部侍郎時車駕數巡幸儲位久虛乃疏請育宗室一人於宮中并乞回鑾

語甚切直以母憂歸尋卒贈禮部尚書諡文定

陳章字宗學清人弘治乙丑進士授刑部主事

研求法意至忘寢食律有疑難親為註解遂以法家名歷員外郎中奉勅審銅及閩所活不下百餘人事

竣還京適武宗欲南巡上疏諫止廷杖五千伏枕五月而後起世宗嗣位陞大理寺卿時錦衣捕獲羣盜

數十人中有十二人實平民也送大理審瑋曰皆一減獲不當其罪人且得而議之況置十二人於非命

乎具奏釋之繼為刑部左侍郎有上官以非法杖死吏下法司獄或欲貸之瑋曰殺人抵罪官與民一

也罔執不可忤執政意即乞致仕歸

張孚敬字茂恭永嘉人初名聰成進士世宗以興獻世子入繼大統下廷臣議所以尊崇

興獻王及后者久之不決孚敬乃上言皇上以武宗弟入繼武宗統非繼武宗嗣也書上大臣不喜出為

南京刑部主事時議尊孝宗為皇考興獻帝為本生父孚敬復上疏力爭言獻帝得稱考不得稱本生孝

宗當稱伯考不得稱考因上所著或問二篇帝大悅超拜翰林院學士明年以侍郎攝都御史平反妖人

李福達獄晉都御史以禮部尚書兼文淵閣大學士輔政中貴自武宗以來暴橫久孚敬數為帝言中貴

奸惡狀帝乃悉裁革鎮守監鎗市舶之類後先殆盡弊政盡革孚敬以言禮貴於禮多所釐定如分祭南

北郊正先師號易像而主錄開國勳皆相業之表表者張鶴齡以外戚寵衰為無賴所許罪當族孚敬力

爭之終孚敬世得長繫孚敬為相守已以正有賢能稱率贈太師諡文忠

王諍字子孝永嘉人嘉靖庚戌進士授溧陽令論最擢山東道御史巡鹽河東尋按雲南

沐黔國肆毒一方按法繩其家屬沐懼解黃金三百兩拒不納陞大理少卿會議大獄據律駁其誤疏奏帝是其議且著為令晉僉都御史巡撫貴州會宣慰安國亨狀殺嫡叔總兵官請討敗績諍上疏自劾有旨回籍

李光春

溫州府志字元甫樂清人徙居永嘉萬曆丙辰進士任廣信府推官沐黔國遣官展祭遠祖因奪國產併朱子懷玉書院光春撻其官牒上撫按悉返所奪產譽震於朝擢御史彈擊不避權貴逆瑞魏忠賢擅政會大雨雹光春抗疏極論忠賢罪惡廷旨奪俸尋左遷九江兵備崇禎朝游歷福建江西河南藩臬所至著實績晉協理院事左僉都御史署院篆臺臣王聚奎劾陳啓新職職啟新方用事疏入下聚奎議處光春力為中救遂罷歸

周應期

嘉縣志字克昌永嘉人萬曆己未進士授禮部郎中魏璫柄國令改幸學儀注執不可黨人銜之出為福建兵備值海逆倡亂調度兵食秘授方畧降其衆一餘萬歷晉右副都御史理屯京東會遣

上監臣分鎮畿輔應期力疏

陳堯言

溫州府志字汝則永嘉人萬曆己未進士授行人持節使趙楚二藩饒遺悉無所受崇禎朝南戶科給事申值南儲告匱京軍十數萬衆饑正陽門堯言以陵寢重地飛章奏請得給各衛旗船漕米二十餘萬石六軍懽呼尋為忌者所中出補陝西參議至中途嬰疾乃繳勅歸

處州府

宋

詹適

括蒼叢紀字德遠縉雲人性至孝盧墓有靈芝之瑞嘉祐四年進士為御史臺主簿以直名出知漢陽發越鄂鄆五州累官龍圖閣學士居官廉正所至多有惠愛

管師仁

宋史本傳字元善處州龍泉人第進士知建昌軍有善政擢左司諫河北濱棣諸州歲被水患民流未復租賦故在師仁請蠲減以綏徠之一方賴其賜遷工部侍郎擢刑部尚書以樞密直學士知定

州時邊備不整而遼使再至為西人請侵疆師仁下
令增餽浚隍繕葺甲冑轉盼迄成外間無知者而日
與賓客燕集示閒暇使敵不疑

王信 宋史本傳字誠之麗水人紹興三十年進士授太
學博士轉對言敵情不可測和議不可恃權考功

郎銓曹遂清邏者私相語指為神明陞左右司員外
郎轉對論朝廷有恤民之政而州縣不能行恤民之

實又言屯田利害上皆納之遷太常少卿兼權中書
舍人假禮部尚書使金歸言金人必衰之兆有四在

我當備之策有二上首肯之官者甘昇既逐俄提舉
德壽宮信亟執奏學士洪邁適入上語之曰王給事

論甘昇甚當特太上皇后以小黃門索多類不習事
獨昇可任責以是駭疏不欲行卿見王給事可道此

意信遇事剛果論奏不避權要人多嫉之信亦力求
去提舉崇福宮起知湖州據案剖析敏如流泉澤知

紹興府浙東安撫使奏免逋官錢十四萬緡七萬匹
綿十萬五千兩米二十萬斛山陰境有縹緲湖四圍

皆田歲苦潦信創啟斗門導停濟注之海築十一壩
化涸浸為上使民繪像以祠更其名曰王公湖存

請老以通議大夫致仕

陳嘉猷 字獻可慶元人登紹興神童科累官
禮部尚書公忠耿介有經濟大畧朝紳爭重之

葉翥 居蒼龍紀字叔羽景寧人紹興甲戌進士累遷戶
部長貳前後凡八年時會稽和買祝他郡為重民

甚善之翥奏蠲三萬餘匹慶元間除
同知樞密院事以觀文殿學士致仕

蔣繼周 兩浙名賢錄字世修青田人登紹興進士第歷
館職二十餘年奏對論事剴切孝宗稱之曰卿

文太 以陸贄尋擢左司諫知無不言歷
御史中丞禮部尚書卒贈少師謚文恭

張貴謨 兩浙名賢錄字子智遂昌人第進士知江山縣
光宗即位投匭進書極言民力已窮邦本不固

凡科斂之繁宜一切罷去以廣維新之澤幾萬餘言
轉朝奉郎輪對敷陳民間疾苦一十八條光宗嘉納

奏未幾奉祠歸里以磨勘轉朝議大夫封遂昌縣開國男

何琮

括蒼彙紀字宗玉松陽人授吉州安福簿大書門

侍御史先此臺諫多為宰相私人有彈劾先進副封琮獨守舊法斥貪逐佞多合清議與相意忤改為起居舍人一日諷琮駁陳墳除命答曰琮他日尚欲附善類相怒即日左遷福建轉運副使後召入為戶部

侍郎

王唐珪

括蒼彙紀字廷玉松陽人淳祐元年進士授紹興府法曹差尚書省檢閱官分守平江未幾攝

監察御史上封事言守令不職由宰輔奸邪罔上所致賈似道怒諷御史陳堅彈罷之

趙順孫

黃潛趙順孫阡表字和仲紹興人淳祐十年進士除秘書省正字咸淳改元為秘書郎兼崇政

殿說書因進講言今茲建元伊始正治亂相承之機度宗竦聽權監察御史歷進侍御史兼侍讀時帑藏枵乏宮掖汰侈順孫疏奏者八面奏者三又累疏乞召洪天錫陳宗禮還居言職劾龔日升昏鄙不宜為

察官他所薦何基呂大圭等十數人多朝廷宿望以宗皆嘉納謝堂以從官導旨樞筵出入宮禁權傾中外順孫奏外戚用事漢祚中微長此不已靡有不可勝言者歷疏其劾卒免堂官賈似道以太傅平章軍國重事順孫力陳其買田變楮之弊乞討論之似道不悅遂以顯文閣待制知平江府兼淮浙發運使先是郡庾赤立率以夏初徵民租順孫謂古者十月納禾稼今先期半截民何以堪首以俸入及例卷所供助糴米而抑浮費以繼之糴幾二十萬斛免預徵復召陞吏部尚書進同知樞密院事兼叅知政事自躋政地數建守備之策似道自詭知兵終不以為意順孫憂憤成疾卒

明

劉基

通天官陰符家言元末舉進士授瑞州高安丞以

廉節著尋與其長不合投劾歸方谷珍反海上肆橫不可制山寇蜂起行省乃以都事辟基授以兵基以撫且計寇悉平經畧使上基功僅以故資遷總管府判基遂歸青田山中會高帝已下金華定括蒼使以

金帛來聘乃走金陵見上陳時務十八策上大悅俄
 陳友諒傾國入寇勢張甚上欲發兵禦之而眾懼擾
 不決基曰賊驕矣誘之深入而伏兵徼取之易易耳
 於是決策破友諒盡覆其眾母喪告歸上於軍國有
 所謀輒馳書叩基基事無不從對皆中俄名還上問曰
 吾欲取陳友諒張士誠而議者多謂士誠密邇且富
 而弱宜先取若為我策之對曰士誠自守者耳陳氏
 據上游稱帝此不宜久繼崇之取陳氏則士誠囊中
 物耳會友諒攻圍洪都上遂率師逆擊之大戰於彭
 蠡湖基請移軍湖口以金木相犯日決勝陳氏遂平
 上即位擢御史中丞諸大典制皆基與李善長宋濂
 計定時處州七縣糧當加於宋歲額五升上獨令青
 田僅以五升為額曰令鄉里世子孫頌劉伯溫也
 上欲相中書左丞相基以問基對曰憲有相才無相
 器問汪廣洋何如曰此福淺殆甚於憲胡惟庸何如
 曰用之債較破犖犖也上曰吾固難之吾之相無逾
 先生基曰臣非不自知第臣疾理太甚又不耐繁劇
 恐孤陛下恩後以病請告就醫青田明年大封功臣
 手詔敘基勲伐封誠意伯召赴京師命兼弘文館學
 士而胡惟庸已代廣洋為丞相基乃大感曰吾安敢

命後人習也又為一書大畧勸上修德省刑授其
 子學曰惟庸方在上之何益是不久必敗敗則上思
 我其時可密謂也洪武十三年上誅惟庸舉思基言
 名其子連升考功監丞遷江西右叅政早卒二十三
 年召廷子應復封誠意伯子世
 襲正德中進贈基太師謚文成

章

直探自院居山居士已亥王師克處州遊入闕中高
 帝來自來多與劉基葉琛宋濂同至建業入見問曰
 四海紛紜何時定乎濂對曰天道無常惟德是輔不
 嗜殺人者能一之上悅擢僉營田司事巡行江淮田
 差稅有等權浙東按察僉事總制胡深由師溫州詔
 還湖廣會事鎮撫回回怙勢作威輕重人罪廉得狀
 坐以法既而胡深伐閩陷沒處州震動陞浙東副使
 鎮之比至山寨多叛濂宣布詔旨勒兵誅首叛者餘

皆帖帖處州僉水軍隸軍府役煩事擾奏設十戶專
統之又奏免山田稅海賊入寇溢拒戰破禽畧盡朱
亮顧取溫州軍中掠人子女溢悉搜出還其家處州
權額以軍興加徵十倍言之詔從其舊拜御史中丞
其廷臣多尚嚴溢務存大體不屑屑細故或問之曰
憲臺百司之表當先養以廉恥使人不犯豈以搏擊
為能哉先是上從溢議令李文忠入闕溢子存道部
鄉兵萬五千人以從事平詔存道以兵從海道北征
溢持不可曰鄉兵農人耳始令征闕許事平歸農今
復調之是爽信也兵已入闕者俾還州里昔嘗叛逆
之民籍為軍使此征一舉而恩威著上喜曰孰謂儒
者迂先生其為朕一行此至母身未守制不允還子
存厚還家治喪身理戎事兵既集命存道都領浮海
北行再申前請許之居喪悲感過度營兆宅親負土
石感
疾卒

薛希

薛希 獻徵錄字廷器麗水人宣德庚戌進士拜監察
御史正統五年廷選憲臣分行天下舉備荒之
政希躡直江西所至以便宜剗奸弊廣儲蓄增築陂
池吏服而民賴之擢刑部右侍郎閩寇鄧茂七亂後

郡縣凋弊希踵受命鎮撫其地撫輯人民既而殘寇
羅丕復起調兵討之降者數萬計其負固不服者縱
兵擊斬殆盡聞寇乃
平以功陞刑部尚書

李棠

李棠 歷郎中秩滿當遷宦者王振嫉不附已深抑之或
勸謁振答曰官可不取名節不可汗卒不往振死超
遷本部右侍郎巡撫廣西威惠並著徭人畏服土官
黃瑛殺嫡自立棠收瑛寘獄論死時憲宗在東宮景
帝欲易之立己子瑛希旨建言得出獄陞都督棠因
此致仕過嶺南歸閱衣篋中香草一
束笑曰此非廣中物耶取投水中

陳詔

陳詔 兩浙名賢錄字廷詢青田人宣德庚戌進士除監
察御史遷四川按察副使時閩浙盜發溫處屠掠
尤慘以詔素有經濟才拜僉都御史巡撫浙江詔至
諭以利害不煩寸兵而諸寇悉平將論功崇爵一夕
疾作卒於官先是郡省運金帛鉅萬犒軍委詔不
問出入詔例給之羨餘即封還府藏一絲不染

虞瑤

虞瑤 兩浙名賢錄字邦瓊縉雲人第進士官給事中成
化間以進言忤昭德宮下懿旨將置之死同列為

擊登聞鼓救免中貴盧永督採處州礦課外橫征礦
戶率棄家而逃瑤抗論得罷時稱為真諫官累遷至
兵部侍郎卒

應

欽徵錄字子材遂昌人嘉靖丙戌進士授刑部主
事惠安張某以贓敗下部客有為張私謁者夜遣

金七百峻拒之嚴駭如法遷知常州府適當定冊
究極利弊詳定規畫下據黃冊糧據實徵其所更賦

役二法最為精善歷陞山東布政使擢兵部右侍郎
提督兩廣軍務桂平等處盜猖維處半為盜藪積五

十年餘積至論以德意獎家屯馬江等劇賊悉款服
惟七山諸寇怙亂自若檣親督精銳擊之賊敗劔棄

隻走逐封其山籍其田廬蓄物合官
兵屯住耕作焉捷聞資金帛陞一子

謹按舊志於人物一門最為率畧約言其弊則有兩
端有本非浙人而強為附會者如三國之陸績顧雍

陸遜陸抗晉之顧榮陸機陸雲陸納陸玩本吳郡吳
人而系以海鹽陳之徐摘徐陵本東海郡人而系以

刻唐之陸元方陸象先本蘇州吳人而系以海鹽宋
之唐介其父拱已徙江陵而猶系餘杭葉清臣本長

洲人而系以烏程趙汝愚本餘干人而系以嘉興張
昇本韓城人而系以開化葉夢得本吳縣人而系以

松陽黃中本郟武人而系以平陽蔣猷本金壇人而
系以鄞趙彥呐本彭州人而系以餘杭明之徐琦自

其祖已徙寧夏倪謙倪岳自洪武初已徙上元孫繼
魯自其高祖已徙雲南而猶系以錢塘戈瑄自其曾

祖已遷景州嚴清自其五世祖已遷滇而猶系以嘉
興李至剛自其父已遷華亭而猶系寧海此其籍貫

不明之大畧也有人品卑下而曲為揄揚者如俞充
之媚內侍而排司馬光季陵之附范宗尹而攻張浚

何執中之附蔡京而排陳瓘鄭清之附史彌遠而
廢濟王錢適之建斥孟后劉正夫之力主紹述梁汝

嘉之諂事秦檜潛說友之諂事賈似道朱熠之排斥
朝臣陳宜中之昏庸誤國皆昭著史傳而猶力為贊

揚至於明代公卿尤多冗雜甚有附和權相結交闈
人而徒以官閣崇高虛辭溢美此其是非失實之大

畧也今依據史傳博采諸志凡遇立
朝大節有虧雖名位甚崇槩從刪削

博大有節... 人而封... 則至... 時... 嘉... 向... 之... 不... 與... 麻... 曾... 其... 系... 公... 早... 將...

勅修浙江通志卷一百六十三

人物二

忠臣一

事君以忠人臣之分也而取義成仁與宣猷佐績者
 其致身則同而遭遇則異兩浙山川正氣鍾為偉人
 其間黼黻太平潤色鴻業者固代不乏人而竭忠効
 命臨難捐軀者亦指不勝屈凜然大節豈非爭光日
 月磊磊軒天地者哉志忠臣

杭州府

南北朝

勅修浙江通志 卷一百六十三 忠臣

卜天與

南史本傳餘杭人善射宋武帝元嘉中為廣威將軍領左細仗元克劾事變倉卒舊將羅訓徐

等皆望風屈附天與不暇披甲執刀持弓疾呼左右出戰徐罕曰殿下入汝欲何為天與罵曰只汝是賊手射劬於東堂幾中逆徒擊之臂斷倒地乃見殺孝武即位贈龍驤將軍益州刺史謚壯侯給天與家長廩子伯宗殿中將軍明帝泰始初領幢擊南賊於赭圻戰沒

隋

許善心

隋書本傳字務本高陽北新城人祖懋梁散騎常侍父亨在陳歷大中大夫領大著作善心起

家除新安王法曹陳亡高祖遣使拜通直散騎常侍有神雀降於含章闥善心於座請紙筆製頌奏之高祖甚悅除祿書丞大業十年駕幸江都授通議大夫十四年化及弒逆隋官盡詣朝謁賀善心獨不至化及執至朝旋合釋之善心不舞蹈而由化及曰送之曰此人大負氣遂害之母范氏撫柩曰能死國難我亦見矣因斷不食後十餘日亦終

謹按隋書地理志高陽隸河間郡並無新城縣而晉唐書許敬宗傳云敬宗杭州新城人善心子其先自高陽南渡世仕江左是高陽乃善心在北之郡望而南渡後之居於新城無疑矣因從浙江舊志載入并據敬宗本傳為證

唐

許遠

舊唐書本傳善心曾孫鹽官人初從軍河西為積

妻之遠辭兼瓊怒積他事中傷貶為高要尉後遇赦得還祿山之亂或薦遠素練戎事明皇召見拜睢陽太守累加侍御史本州防禦使及賊將尹子奇攻圍遠與張巡姚間嬰城拒守經年外救不至兵糧俱盡而城陷子琦執送洛陽害之唐書張巡傳安祿山反巡起兵討賊河南節度使嗣虢王巨假巡先鋒巡至睢陽與遠合祿山死慶緒遣尹子琦將兵十餘萬攻睢陽遠自以材不及巡請稟軍事而居其下專治軍糧戰具初睢陽穀六萬斛可支一歲而臣發其半饑濶陽濟陰遠固爭不聽至是食盡士多餓死巡出愛

妾殺以大饗遠殺奴僅以哺卒至羅雀掘鼠煑鐵弩以食賊知外援絕圍益急士病不能戰城遂陷迺遇害于琦議生致一人慶緒所乃送遠洛陽至僂師不屈死詔贈遠荊州大都督子玫婺州司馬立廟睢陽歲時致祭大中時圖巡遠像於凌煙閣

顏真卿

唐書本傳字清臣師古五世從孫開元中進士遷監察御史使河隴時五原有寃獄久不決天

且旱真卿辨獄而兩郡人呼御史兩遷殿中侍御史楊國忠惡之出為平原太守安祿山逆狀牙孽真卿度必反陽詔真卿與客泛舟飲酒以紆祿山之疑祿山反真卿守其備使參軍李平地寒元等大喜曰賊不識真卿何加人所為乃若此時平原有靜寒兵三千乃益募得萬人饒陽濟南清河郡景城各以眾歸軍聲大震會賊破東都遣段子光傳李愷唐庚蔣清首徇河北真卿恐眾懼給諸將曰吾素識愷等其首皆非是乃斬于光藏三首他日結芻績體為位哭之是時從父兄杲卿為常山太守斬賊將李欽奏等清土門十七郡同日自歸推真卿為盟主兵二十萬絕燕趙詔拜戶部侍郎加河北招討採訪使清河太守使郡人李平等師真卿許之檄清河等郡遣李擇交拒戰賊敗真卿萬級肅宗即位祿山急攻河北諸郡復陷獨平原大夫方朝廷草昧不暇給而真卿繩治如平日宰相厭其多言出為馮翊太守轉浙西節度使名為刑部侍郎李輔國遷上皇西宮真卿率百官問起居輔國惡之貶蓬州長史代宗立累遷尚書右丞俄以檢校刑部尚書為朔方行營宣慰使未行畱知省事更封魯郡公時元載多引私黨畏羣臣論奏請每論事先白長官長官以白宰相宰相詳可否以聞真卿上疏謂塞絕忠諫載以為誹謗貶峽州別駕遷撫湖二州刺史載誅擢吏部尚書楊炎當國以直不容換太子少師猶領使及盧杞益不喜改太子太師并使罷之數遣人問方鎮所便將出之真卿辭曰先中丞傳首平原面流血吾親舌砥之公忍不見容乎杞矍然下拜而銜恨切骨李希烈陷汝州杞乃遣真卿往諭詔可公卿皆失色既見希烈宣詔旨希烈養子千餘拔刀爭進真卿顏色不變時朱滔王武俊田悅李納謂希烈曰聞太師名德久矣欲建大號而太師至才宰

忠臣一

相執先太師者真卿叱曰吾守吾節死而後已豈受
 若等脅耶希烈乃拘真卿守以甲士掘方丈坎傳將
 坑之真卿曰死生分矣何多為乃拘送真卿蔡州度
 必死作遺表墓誌祭文指寢室壁下曰此吾殯所也
 與元後王師復振賊慮變遣將辛景臻安華至其所
 積薪於庭曰不能屈節當焚死真卿起赴火景臻等
 遂止之希烈弟希僖坐朱泚黨誅希烈怒使闖奴害
 真卿曰有詔真卿再拜奴曰賜卿死曰老臣無狀罪
 當死然使人何日長安來奴曰從大梁來罵曰乃逆
 賊耳何為云遂縊殺之年七十六淮蔡平于顯頤護
 喪還帝廢朝五日贈司徒諡文忠真卿立朝正色剛
 而有禮天下不以姓名稱而獨曰魯公善正草書筆
 力遒矯世

寶傳之
 謹按唐書本傳真卿為師古五世從孫而師古則鄉
 琊臨沂人也成化杭州府志引海寧志以真卿為海
 寧人萬曆杭州府志云其先鄉琊人祖昌任鹽官州
 判卒於官父必寧占籍鹽官父海寧縣東二十五里
 原吉鄉有公墓則家於
 鹽官無疑矣今仍之

五代

水邱昭券

兩浙名賢錄臨安人事吳越王佐為內都監
 使佐欲誅程昭悅合昭券夕率甲士千人圍
 其第昭券曰昭悅有罪當顯戮不宜夜興兵未幾佐
 率餘嗣與何承訓謀逐胡進思昭券諫不從謀洩難
 作昭券聞變入衛遂被害進思之妻曰他人猶可殺
 昭券君子也奈何害之進思後亦悔懼曰我不幸獨
 害君

孫陟

成化杭州府志新城人仕錢氏為尚書任常州防
 禦時寇盜充斥調兵督戰竟歿於陣呂城為之立
 廟以卹禮歸葬墓在所居太平鄉百丈村
 之西復立廟於斯雙楓合抱至今猶存

宋

鞠嗣復

宋史本傳宣和初知休寧縣方臘黨被縣欲遁
 使降而斬二士以怖之嗣復罵曰自古妖賊豈
 有長久者爾當去逆從順因我而歸朝官爵尙可得
 何為脅我降後知必死屢言何不速殺我賊曰我縣

人也明府宰邑有善政我不忍殺乃委之而去初嗣復間難率吏民修城衆樂赴功守備畧就朝廷知之加直祕閣擢知睦州嘗爲賊所傷自力渡江乞師於宣撫使未及而卒謹按萬曆杭州府志作錢塘人今從之

滕茂實

宋史本傳字秀穎臨安人政和八年進士靖康元年以工部員外假工部侍郎副路允迪出使

爲金人所留金粘罕素聞茂實名乃遷之代州又自京師取其弟華實同居以慰其意欽宗自離都城舊臣無敢僞問起居者茂實聞欽宗將至卽自爲哀辭且篆宋工部侍郎滕茂實墓九字取奉使黃幡裏之以授其友人朔寧府司理董詵欽宗及郊茂實迎謁拜伏號泣金人諭之曰國破主遷所以留公蓋將大用迫令易服茂實力拒不從請從舊主行金人不許憂情成疾卒詵歸錄哀辭上其事紹興二年贈龍圖閣直學士官

其家三人

唐恪

宋史本傳字欽叟錢塘人以廢登第調郴州尉犬觀中祥河內附名爲屯田員外郎持節招納敵始伺

疑衷甲以迎恪盡去兵衛從數十卒單行敵壁其澤呼投兵聽命以奉使稱職遷右司員外郎起居舍人迎遼使還言河北邊備弛廢宜及時治之中貴人中以他事降知梓州名拜戶部侍郎京師水暴至汴且溢付恪治之因上疏言水陰類也至犯宮闕天以陰盛之沴徹告陛下願垂意時事益徹天戒靖康初拜同知樞密院事洎金兵薄城下密言於帝曰宜舉景德故事畱太子居守而西幸洛連據秦雍領天下親征以圖興復帝曰當以死守社稷何與爲相京師不守車駕至金營恪曰計失矣旣而還宮恪請入覲稟不可復幸恪曰一之爲甚其可再乎及金人逼百官立張邦昌令吳玠莫儔入城取推戴狀恪仰藥而死王稟杭州府志海寧人當靖康之厄以孤軍守太原敵城陷與其子苟入告原廟抱太宗御容抗辭罵賊父子同赴汾水死建炎四年追封景爲安化郡王謚忠壯苟贈右武大夫恩州刺史名其孫沆襲封

楊九鼎

咸淳臨安志字叔鎮以父由義任入官帥襄漕變有善政復易利漕帥天漢敵劫大散關九鼎

復之又復皂郊殺偽元帥完顏阿麟後兵再至九鼎
死守清野原除太府少卿總領蜀賦時都統吳政戰
沒麾下兵潰敵據漢中擣大安軍九鼎檄張威何進
勦於三泉匹馬不返會蜀有新帥首招潰卒至雞公
嶺復叛帥挾兵以道有勸九鼎逝者荅曰九鼎有職
守不可去賊至遂遇害贈五官至朝議大夫官其子

三人

史徽

萬曆杭州府志字詢美一云東美鹽官人勤苦力
學登崇寧進士累遷戶部郎官出為京西運判徽

宗下詔罪已罷西城所督漕賦後其租簿進右
司郎中以疾致仕高宗即位起為少卿建炎三

年扈駕至江口遂遇害贈左大中大夫
右文殿修撰子龜年舉年終子其外

姚興

咸淳臨安志舊名叔興新城有勇力善武藝為
統制官隸王權紹興三十一一年完顏亮入寇兵至

和州尉子橋興以一軍三千人力戰權置酒宗山
上擁羣刀斧自衛殊不援興與殺賊數百以援不至

而沒朝廷為之立祠以表其忠寧宗朝
追贈襲慶軍節度使開府儀同三司

謹按宋史以興為相州人
今從咸淳臨安志存之

趙卯發

宋史新編字漢卿呂化人卯一作昂以上舍登
第權通判池州元兵渡江守王起宗棄官去卯

發攝州事繕壁壘擧擢為守禦計元兵至都統張林屢
諷之降卯發憤氣填膺瞋目視林不能言林以兵出

巡江陰降歸而陽助卯發為守兵皆歸林卯發知不
可守乃謂其妻雍氏曰城將破吾守臣不當去汝先

出走雍氏曰君為忠臣我獨不能為忠臣婦乎兵薄
城卯發晨起書几上曰君不可叛城不可降夫妻同

死節義成雙與雍氏盛服同縊從容堂卯發始為此
堂名以從容及兵至領客堂中指所題扁曰古人慷

慨殺身易從容就義難此始其兆也卯發死元伯顏
具棺余合葬於池上祭墓而去事聞贈文華閣待制

諡文節雍氏贈順義
夫人錄二子為京官

周宣

瞿佑周宣傳字公猷錢塘人仕職方郎中德祿丙
子元師次臯亭宣上表請兵禦之時陳宣中幸降

議不報因自集族黨家丁為報國計及元兵入臨安
帝后遠待宣乃北面泣拜率眾與戰身被刀矢負痛

手格殺數十人隨遇害文天祥以詩哭之曰孤忠莫克挽頽軍一死名高百戰勲總恨權奸多異議難禁

馮驥

兩浙名賢錄字德父富春人性至孝母病刲股和

藥以進登景定進士調安吉武康簿有聲累遷大理丞時元兵下襄樊朝廷募豪傑為戰守計驥被薦

協張濡守獨松元兵來攻殺其渠帥元將益兵搗之

謝緒

錢塘縣志理宗皇后謝氏之族也世居邑之安溪

入官昇之而謝太皇太后以病請罷元兵突能報國恩死當訴之上帝異日黃河水北流是吾效

靈之證遂赴水死時苔水陡湧高丈餘縊尸立而逆流舉葬於金龍山之側

元

鄒世聞

杭州府志字聞遠登州黃縣人襲授百戶成

切齒罵不絕口元亡不食而死

龔瑾

嘉靖海寧縣志海寧人曾任知州死元節葬安國

寺後詩稿散逸不傳止存蒼雪軒詩云日浸蒼龍骨雲分翡翠斂九疑慈正斷清夢到書齋

明

袁興

高曆杭州府志錢塘衛千戶諸暨之戰有劉總管

者為賊所執興馳騎突入其陣賊眾披靡斬首數十級脫劉還及見主帥劉自以為功興恬不之怪亦

未嘗以語人人咸服其量軍士嘗之食與解銀甲易粟活之及王師進攻雲南之龍海興從征慨然曰吾

此行不生擒渠魁不返也遂力戰死詔遣使祭贈明威將軍指

揮僉事謹按明代指揮千百戶多由世襲隸籍浙江故載入人物傳中其非世襲者仍載名宦後倣此

沈道南

杭州府志錢塘人建文時為御史余川之變道南死之

陳鏞

成化杭州府志字叔振錢塘人永樂進士選庶吉

書李慶贊軍務舉六卿之屬才且賢者自輔遂以鏞與儀制郎中豐威史安同行二人屢進忠益慶與主將初聽之屢勝繼不納竟至敗被執鏞顧安曰吾輩見危授命耳皆不屈死

夏誠

分省人物考字克誠錢塘人舉人正統初任沙縣

已車駕北征誠扈從至上木乘輿陷敵中誠死於難後朝廷追錄死事忠勤官其子繼先撫州知府

于謙

湯斌于謙傳字廷益錢塘人永樂辛丑進士宣德元年授山西道御史

於死從征漢庶人既獲帝命謙數其罪謙應聲數百言辭嚴義正庶人流汗伏地不敢仰視帝大喜五年起遷兵部右侍郎巡撫河南山西於吏術民事無不精到而尤以足兵食明舉措振綱紀為急當時三楊當國皆重謙所奏請朝上夕報可以足得行其志正統中議事京師薦參政孫元真王來自代時王振用事以謙無所餽之喉言官劾謙以久不遷怨望擅舉人自代無人臣禮下法司論罪未幾貫出左遷

大理寺少卿復巡撫十二年召入為兵部右侍郎

年秋也先大舉入寇王振挾帝親征謙與尚書驥諫不聽

師大震皇太后詔郕王監國王御左順門廷臣爭言振罪應族王倉卒未有以應眾洶洶捧振黨錦衣指揮馬順及毛貴等誅死之班行亂王懼屢欲起謙直前披止之請下令曰順等有罪誅死弗論即遣都御史陳益籍振家械其姪山礫於市諸臣始退王乃起還宮吏部尚書王直執謙手嘆曰朝廷正藉公耳今

口雖百王直何能為皇太后問之曰國家幸賴斯人尋進兵部尚書委以軍事加太子太保辭不許九月

景帝即位十月也先自紫荆關入殺掠官民警報日急侍講徐理言宜及時南遷廷臣多和之謙厲聲曰

京師天下本宗廟社稷陵寢在焉百官萬姓帑藏儲蓄無恙一動足大勢去矣奈何欲蹈靖康覆轍乎帝

是謙言議始定謙乃奏用王通楊善守京城孫鏗衛

穎張軌雷通分兵出戰石亨楊洪柳溥為總兵監以

給事中王竑葉盛程信姚夔盡移郭外人入城所至

堅壁清野勿與戰通州糧百萬悉散給官軍餘令運

入城芻芘不及運者焚之勿資敵謙躬擐甲宵慷慨誓師士人皆感奮也先衆薄城下見嚴陣不敢犯要大臣出議和索金帛帝以問謙謙曰臣受命治軍旅他非所敢問也乃約戰以大礮擊其營死者數千人也先大阻詔進少保謙固辭也先數遣使通款許歸上皇時大臣王直等請遣迎駕甚力上不擇謙從容進曰天位已定誰敢異議惟君臣大義兄弟至情自當遣使奉迎耳帝改容曰從汝從汝於是遣都御史楊善等往迎上皇還京師當是時也先既屢犯京師脫脫不花寇遼東不樂出寇陝西浙江葉宗畱福建鄧茂七廣東黃蕭養各擁衆僭號南蠻西番復乘間蠢動命將出師變在俄頃謙因固京城外籌邊鎮條畫悉中機宜僚吏受成相顧駭服雖宿將勳臣小不中程律節請行詰責片紙行萬里外無不惕息効力帝推誠倚任而口不言功深自斂傷帝嘗賜第關西謙曰國家多難何以家爲取前後所賜璽書袍鍔冠帶弓劍之屬悉加封識歲時一謹視而已謙曰奉檢約所居僅蔽風雨平時多宿直房以便朝謁間病痰壅和藜需竹游帝爲親幸萬歲山伐竹取瀝以賜或言謙極用太過帝意益堅初徐瑄議南遷因謙言爲

帝所薄後改名有貞深怨謙石亨初坐事繫獄謙請赦而用之亨乃請官謙子冕府軍副千三謙曰世爲子求官當乞恩君父何必假手於亨耶亨聞而慚憾益甚亨從子彪驍雄謙數裁抑出彪爲大同遊擊叅軍於是憾至切骨太監曹吉祥劉永誠皆與謙共事兵間憚謙凌已亦銜之帝不豫有貞與亨吉祥開南城門復上皇位遂誣謙與大學士王文太監舒良等欲盜金符迎立襄世子都御史蕭維禎責簿坐謀反當族廷鞫時文不勝憤仰首辨不已謙曰亨等意如此辨何爲獄具英宗猶豫曰謙實有功若何有貞進曰不殺謙今日之事無名帝意乃決遂斬於東市家屬成邊謙死之日天日陰霾行路涕泣皇太后聞之嗟悼累日帝亦悔之成化元年詔復謙官赦其家遣行人論祭弘治三年贈太傅謚忠愍萬曆中更謚忠肅建祠墓側曰旌功杭州府志冕守景瞻初以父功蔭府軍千戶及謙被誣死冕坐謫龍門屢上書訟父冤憲廟初事自加謙官謚因復冕官冕請改文資授武庫員外郎歷陞應天府尹致仕冕遺家難放徙窮邊而能閉門却掃以讀書纂言爲事起謫籍官兩京所在以修謹稱

沈敬

分省人物考字克欽錢塘人正統進士授兵部主事轉郎中公忠正直為權奸所惡景泰末謫戍遼陽辰化改元詔復其官超拜河南叅政歲飢民流敬及時賑發全活甚眾計處榆林餽餉供用不乏轉廣西左布政使時田州黃明倡亂殺逐知府岑溥敬受督撫檄統眾征勦泉明父子擒斬無算觸險乘瘴深入賊巢中毒死

何鼎

兩浙名賢錄餘杭人入內為長隨好讀書知大義弘治間見張皇后兄弟出入宮禁心甚忿之以為祖宗法度外人不得至此一日孝宗與張飲偶起如廁除御冠於典冠者張戲之復帶酒汗官人鼎持金瓜候門欲擊之時大監露其事張僅得脫明日鼎上疏極言之張后大怒梓鼎至撲殺之投屍海子嘉靖海寧縣志守其先廬州人世襲海寧所副千戶遂為海寧人正德八年江西姚源洞王浩八作亂流劫浙東當道檄忠率兵勦捕忠辭其母願妻鄭曰吾母在汝謹事之為臣死忠吾不暇內顧矣行至開化賊眾突至郡卒勸曰賊勢甚盛可避之忠怒提刀碎其背曰朝廷養兵百餘年一旦忍忘之耶

呂忠

嘉靖海寧縣志守其先廬州人世襲海寧所副千戶遂為海寧人正德八年江西姚源洞王浩八作亂流劫浙東當道檄忠率兵勦捕忠辭其母願妻鄭曰吾母在汝謹事之為臣死忠吾不暇內顧矣行至開化賊眾突至郡卒勸曰賊勢甚盛可避之忠怒提刀碎其背曰朝廷養兵百餘年一旦忍忘之耶

林文貴

嘉靖海寧縣志台之黃巖騎兵也從千戶呂忠征姚源洞賊賊猝至忠力戰死眾遂奔潰文貴厲聲曰不可負主大呼挺槍刺賊賊擁眾執之脅使降文貴怒罵曰我朝廷命軍豈從爾賊賊縛貴於樹罵不絕口剖腹剗心而死

查約

閩書字原博海寧人弘治進士以南刑部郎出為福建僉事治異等廷平邵武暨福州軍相繼煽亂約以單車申諭眾咸戰服擢山東副使進福建左布政使歲游飢下令諸司掾上納者悉出穀分貯諸倉備賑搆撫山東末行候官人林汝美以殺妻論死繫獄中又車二小劇盜也與汝美同繫二囚私賂守獄卒寬其械遂藏兵瓜中率眾破狂出殺令復破府中獄出眾因相與趨南門將入海約自以故有德於閩出為化海言未脫口而刃已陷胸矣閩人立祠祀之

姜楫

嘉靖海寧縣志海寧所千戶嘉靖三十二年征倭寇戰死海鹽城外事聞陞其子本所副千戶

孫商偉 富陽縣志富陽人嘉靖癸丑歲貢授福建寧德州教諭倭寇入學宮欲挾商偉行商偉曰我學

官也職死學中去此一步非死所矣遂死夫子像前

吳懋宣 杭州府志杭州衛指揮萬都督表女夫也嘉靖癸丑倭亂海上表聞變命懋宣將之力焚其巢

大破之懋宣乘勝逐寇倭傷重而死

姚來 舊浙江通志字舜廷仁和人萬曆間累著軍功授惠州參將崇禎元年秋山賊竊發惠州大震來孤

軍深入賊砦戰沒

許當辰 舊折通志字健藩餘杭人天啟間武進士授廣東巡按都司在海南劉香力戰沒於陣

趙景和 舊浙江通志字萬有天啟舉人為廣德州守下橫甚景和慮暴兵之害民也論郭外百姓盡徙入城

開城門不納士英怒縱火破城入殺之百姓悲慙立祠以祀妾秦氏投井死子蒼璧僕錢義匿之得脫成壬戌進士

祝淵 海寧縣志字開美海寧人崇禎舉人時劉宗周負時望疏救熊開元姜垓上斤其官廷臣無敢言者

淵發憤上疏曰流寇方訂不宜遽斥風憲疏入下所司切責之問究主者賜廷杖抗聲曰男兒志在報國

安有身上書吏指他人者余吾廉其詞直上之遂釋獄甫半日而賊陷京師作絕命詞以死

許文岐 舊浙江通志字我西仁和人崇禎甲戌進士授南京兵部主事進郎中出知黃州府未逾月賊

至文岐伏兵以待賊奔潰奪大旗而還擢下江防道駐蘄州十六年賊乘夜急攻會大雪炮鼓無聲城陷

被執檢其臂得印擁至營不遽加害散繫七十日遇黃州舉人曰賊不過什二三良民被脅者過半耳今

以柳圈為約可自投殺賊有王固統者洩謀於賊賊密探諸營果有柳圈賊怒遂并被害贈太常卿

徐餘慶 舊浙江通志字兆毅新城人崇禎元年以貢授四川珙縣知縣居官清慎吏民懷之會張獻忠

陷蜀所過州縣望風披靡餘慶堅守孤城城陷不屈為賊所害

顧王家 舊浙江通志守翊明仁和人以鹽漕御史掾授臨汝州吏臨汝當襄雒之衝王家兼倖事嚴

保甲詰奸充繕城堞調糧餉賊畏莫敢犯署邾城縣
 新介李貞佑至王家以秩滿遷去汝人伏御史臺乞
 留請攝監軍司馬崇禎十三年逆闖攻汴不克遂犯
 邾城圍數重王家卒敢死士嬰城固守矢竭城陷賊
 蜂擁入城虜貞佑衣冠倒懸大樹上將斷其舌磔焉
 王家瞋目曰賊無道至此恨不斬汝以啖語未畢刃
 亂下竟同日死于國工詩賦賊盡戮邾人將及國國
 給賊將以藩邸藏金所在告俟間拾巨石擊賊賊怒
 支解之汝人收
 國屍葬峨眉山

翁之琪

舊浙江通志字元倩仁和人陝西按察使汝進
 孫也初為郡諸生名珏三試不利乃投筆從戎

中學禎十二年武榜上親簡將材奇之曰神骨森挺
 忠孝人也擢第一初任川山守備平海寇陳虎移守
 衢州會金陵失守輟哭自沉於蕪湖板子
 磯驚濤逆流屍不沒者三日收其骸如生

土寅

舊浙江通志山陰人徙居錢塘通翰畧督力絕人
 中天啟丁卯武舉以父大經征播功襲紹所千戶

崇禎初遷浙撫守備檢軍伍多脆弱不任決拾大誌
 曰昔南塘戚公練浙兵精銳莫敢當天下稱為鴛鴦

隊於是倣其法訓練一年而精悍猛鸚比節制兵遷
 龍江都司未任調守泗州陵寢盜屯集磨盤麓寅云
 彼眾我寡及其未集急擊弗失於是捲甲趨盱眙殺
 賊先鋒七大王自午戰至申賊益四集矢盡力竭衝
 陣死贈鎮國將軍賜祭廕一子

翁鴻業

舊浙江通志字一獻錢塘人天啟乙丑進士以
 義部郎出為廣東右叅政分守嶺東以平海寇

出冤獄稱能吏丁丑補山東督學右叅政羽書旁午
 一日十警鴻業分校諸郡問語諸生力學讀書當知
 世間忠孝事戊寅御史檄鴻業署兵備分守濟
 南東城已卯正月大霧晝晦城潰投烈焰以死

俞起蛟

舊浙江通志字芝雲錢塘人以明經起家拜魯
 憲王長史憲王薨肅王立欲廢世子起蛟察世

子孝從容入告力持得免肅王薨世子立值歲大歉
 起蛟勸王賑飢白出祿二千石繼之泰山盜李青山
 聚黨劫掠勢張甚起蛟與范黃門淑泰力戰俘其眾
 崇禎十五年兗州破魯王死起蛟率家屬二十三人
 之死

陳潛夫

舊浙江通志字元倩仁和人崇禎丙子舉人選授開封府推官明亡至山陰抵小赭村謂其妻

孟氏曰勉之吾為忠臣而為烈女孟氏笑曰此吾心也與其妾櫛髮更服以待潛夫整衣冠拜祖父像已

拜別其母與弟携妻妾至化龍橋皆沉於河

王道焜

舊浙江通志字昭平錢塘人父國柱以萬曆舉人為廬州推官治獄多所平反道焜辛酉舉於

鄉為福寧校官旋令南平邑為閩海孔道道焜至飭保甲練軍實嚴讀法捐倉庫具有方畧遷南雄同知

時光澤有妖寇之亂聞父老乞請留道焜加同知銜知光澤縣事道焜單騎入賊營諭以利害賊皆散去

一邑以安崇禎時陞兵部職方司主事明亡與陸行人培同日自經死子均崇禎壬午舉人

陸培

舊浙江通志字鯤庭吉水合運昌之子運昌任承豐吉水多吏蹟培與兄圻弟培並馳名一時崇禎

庚辰成進士授行人南還父卒培自留都奔赴長跪座前以手批頰頰盡腫齧其臂血淋漓聲淚俱下明

亡入橫山桐塢嶺作絕命詩二章遂自經死著有威鳳堂文集行世

姚奇允

舊浙江通志字有僕錢塘人崇禎庚辰進士矣未廷對時李闖漸逼京師念時務最急者莫如

東宮監國守南京白於都御史李邦華華即拜跪上心動會有沮之者遂不果謁選得南海縣尋以守贛

死於贛子端字以式亦死柳州

周宗彝

舊浙江通志字五重海寧人崇禎己卯舉人少出吳太冲章正宸之門為人有膽決尚氣節太

冲正宸數稱之曰周生吾道干城也後殉難妻卜氏二妾朱衣紫衣及弟啟琦皆死焉

俞元良

舊浙江通志字仲驥海寧人崇禎癸未進士明亡與其兄元禮同死之

諸復

杭州府志字子葭仁和庠生明亡巾服詣樞木營死之錢塘令顧咸建殮其屍葬秦亭山

方天眷

杭州府志字維嶽仁和庠生安貧力學避居石人塢授徒講讀日採薇蕨以自奉明亡乃整衣

冠再拜自剄死

國朝

高咸臨

杭州府志字與侯仁和人讀書負氣節順治乙酉選貢任福建永安令時寇盜四起咸臨下車

撫循百姓遠近稍集丁亥賊陷建寧擁眾犯永安咸臨防禦任顯宗從弟其翰中表吳之璜先後捍賊死相拒五閱月而救不至糧絕隣邑盡陷咸臨奮勇數獲賊磔之城陷被獲脅降不屈死之

詔贈福建按察司僉事賜祭葬廕一子鳳采

潘名世

廣東名宦冊仁和人順治初為保昌令律已以廉愛民如子李成棟未叛之前檄民輸布于匹

名世力爭成棟怒坐以他事戮於市籍其家無長物百姓莫不流涕

吳夢鼎

錢塘縣志字仲鎮錢塘歲貢順治二年巡撫張存仁委攝蘭谿縣事遇上寇不屈死父敏惠用

建城東土壩居人呼為吳公壩

錢法裕

山西名宦冊遼東籍仁和人順治三年任蒲州知州政舉民安姜瓖之亂城陷被執不屈死事

聞贈布政司參議

吳允焯

公舉事實字弘文仁和人順治二年山貢士應征福建有功授建寧府壽寧縣知縣四年山寇

四起乃招集義勇身先禦寇以眾寡不敵被執腦籍懸樹體無完膚罵不絕口而死妻瞿氏常勸允焯盡

恩卹贈廕一子垣

潘際昌

福建名宦冊仁和人順治三年隨征入閩知永清縣事適土寇蠡起嘯聚攻城際昌率民兵登

陞守禦百餘日外援不至城陷投井死

胡萬鏗

福建名宦冊仁和人順治三年以通判隨征入閩授永清縣學司訓土寇薄城率諸生募民兵

登陴捍禦百餘日城陷被執不屈死之

沈孚建

福建名宦冊錢塘人順治四年知政和縣山寇陷城被執罵不絕口死之

鄔象鼎

殉難錄字符九仁和人順治己丑進士備兵羅定時徭僮反側象鼎提師深入不數月而殲厥

渠魁諸砦底定西賊破桂林掠高肇遂逼羅定象鼎率長子元裸侄聯珠元珦伏弩四布砲石並發擒斬

二千餘人賊遁既而敗兵旋集悉眾攻圍累月不解糧絕外援不至謂元裸曰死職吾事也爾無官守盍歸元裸泣願賫檄乞援隣封夜絕城出為賊所得攻圍益急象鼎督兩侄攘臂突圍奮力殺賊眾寡不敵亦為賊獲城陷賊縛元裸至前露刃脅降象鼎罵曰吾豈愛吾子以背吾君耶元裸遂遇害象鼎被幽別室抗節不屈絕食七日死聯珠元珦并家屬五十七人咸殉難

詔贈光祿寺正卿諭祭葬廕子作霖入監

王起彪

江西通志字虎子錢唐人順治丁亥進士戊子授德興縣知縣值江右有金逆之變起彪隨征南大將軍營次半載已丑江西平就任時饒郡巨寇雖滅而餘孽竄伏山谷者聞竊發隣邑董三等賊擁眾猝至起彪率民兵守之寡不敵眾被執幽於天君廟脅之降不屈遂遇害雍正六年

詔賜廕祀

洪恩宣

杭州府志字成之臨安人邑諸生時山寇未靖縣令劉允燦奉文勦撫恩宣願往至賊巢諭以

大義不從遂遇害令高其成爲之勒碑置田七畝給其子供祀

王萬鑑

錢塘縣志字人玉其先山陰人四世祖徙錢塘遂爲錢塘諸生順治戊子鄉貢授福建藩幕攝將樂縣事土賊吳揚爲亂萬鑑下車給帖招徠旬日之間化寇爲民尋陞萬年縣知縣值閩逆倡叛萬鑑恢復縣治持守久之赴省請益兵爲阻險計甫出北門而賊猝至萬鑑力戰以拒被砲石擊死事

聞贈祭議賜祭葬廕一子國治

注士媚

鄉賢雷祀冊錢塘庠生慷慨有志節甲寅閩變獻策隨征乙卯奉委招撫直入賊巢爲逆黨會

養性所害

謹按紹興府志蔡佳傳佳偕同知注士媚入賊營不屈被害是徇難時士媚已授爲同知矣

謝廷謨

公舉事實於潛人順治十三年歲貢授處州雲和訓導課文興行士風丕變康熙十三年耿逆叛攻陷處州廷謨懷印入山號台義勇被執勒授偽銜不屈絕食而死

趙燾

杭州府志仁和人順治丁亥武進士任象山右營

參將康烈乙卯勦賊至貓頭洋賊斬偽都督周貴旋因風勢失利左右皆不能為力燾鼓勇當先手刃數人力屈被害

賜祭葬贈副將廕一子守備

嘉興府

五代

高涓

海鹽縣圖經彥之子初從彥在湖武肅王巡衣錦城會有徐結之亂焚掠郭郭將及內城彥聞變遣

涓赴難涓言今日不利彥曰赴難之急何顧忌辰亟促涓行涓遂率所部徑趨靈隱山為賊伏兵所害後

淮人檻送館歸王剖心祭涓

屠瓌智

皮光業屠瓌智墓誌字寶光其先河東人後徙

涓使光化三年調守湖州借刺史高彥子涓抵賊壘矢盡援絕為伏兵所害贈忠義軍匡國功臣武康節

使慶

宋

朱張惲

舊浙江通志字宗厚嘉興人試入上選為省元值車駕避元兵於崖山張惲率舟師勤王力戰

多所斬獲會風雨大作輿樞密陸秀夫同日溺海

元

俞庸

弘治嘉興府志字子中嘉興人為平江路推官淮兵壓境庸募勇士鑰守盤門郡僚高安等謂庸曷

不俱竄庸厲聲曰公等以世臣守大城一旦臨利害先民遁逃不顧義與恩耶高安持鐵簡擊庸仆地遂

開門兵至城下庸未甦被擒置諸馬上甦以計脫去徵服問道歸久之太府知其入將授以爵謝之曰吳

門之役吾有死所今日之生出不幸耳尚負而授他命見天日乎因痛憤卒

黃中王

貝瓊黃中王哀辭序樞李人以父廕授江山縣尉時海內鼎沸詔徙行臺於紹興以控制閩越

至正丁酉擢為參謀統鄉兵守衢婺越二年城陷遇害一門十三人俱沒長子孟輔出而僅免

明

金綱

萬曆秀水縣志舉元鄉試洪武中歷蕪州守百姓苦官民田輕重不齊里胥夤緣為奸利綱上疏請

減重額得罪賜死

程本立

吾學編字原道桐鄉人明初舉明經秀才洪武九年除秦府引禮舍人補周府禮官進長史從

王來朝被累謫雲南馬龍他郎甸長官司吏目從一僕赴任會所部為逆本立單騎入諭順逆利害眾感悅歸附是冬復變帥潘沐兵張統屬本立行縣與兵事且撫且禦本立不避艱險山行野宿自楚雄姚安抵大理永昌鶴慶麗江往來綏輯軍民稍安三十一年奏計入京徵入翰林充纂修官修太祖實錄成改江西按察副使未至聞靖難兵入京自縊死所著有異隱集

楊任

分省人物考嘉興人洪武間由人才擢知袁州黃子登一見以國士許之靖難兵起引疾歸事定子

登出徵兵往約蘇守姚善航海善不可子澄乃至任家共謀大事事泄任與子澄俱被執至京磔於市了禮亦坐死

金鼎

舊浙江通志字字器秀水人歷吏兵二部司務陞工部虞衡員外郎死土木之難

滿正

嘉禾徵獻錄世襲海寧衛左所千戶正德中解軍械之京適劉六劉七騷亂山東遇之力戰賊數却

行次滄州賊大至入見州守欲與嬰城守濡不能戰遠胡世寧至滄遂協力禦之賊圍城八晝夜不能破尚書張縉疏上其功即遷本衛指揮僉事調戰桃源賊深入被害有卒倪坦亦死之正贈明威將軍子朝承襲稍遷指揮副使倭寇入大王指眾踰梁庄朝率千戶王繼隆等追之與賊對敵賊設伏於古廟中突出被殺孫上林輪刀如飛弓挽二石後遂賊於峽口戰死

馬呈圖

萬曆嘉興府志世襲海寧衛指揮嘉靖三十一

名次年倭首入大王等自青村登峴劫殺所犯官軍俱經摧敗呈圖提兵出城與戰軍潰直入賊圍身被

三十餘創殞
絕祀英烈祠

姚弘 萬曆嘉興府志世襲海寧衛指揮僉事嘉靖三十

二年倭寇侵境督軍防勦屢獲戰功後與賊遇殺
賊四十餘賊潰奔弘殺入
賊巢被賊縱死祀英烈祠

采煉 萬曆嘉興府志世襲海寧衛指揮嘉靖三十二年
倭寇海鹽馬呈圖先馳煉往策應兵潰煉奮不顧

身血戰而死
祀英烈祠

徐行健 萬曆嘉興府志世襲海寧衛指揮嘉靖三十二
年倭亂身經二十餘戰斬倭首三百餘生擒十

餘人後被殺
祀英烈祠

李元律 萬曆嘉興府志世襲海寧衛指揮嘉靖三十三年
倭入寇奉調領兵防守富陽等處擒斬倭賊

十一人復追戰於孟
家堰陣亡祀英烈祠

魏大中 橋李往哲編字廓園萬曆丙辰進士仕行人擢
工科給事中辨析邪正博擊權要轉禮科晉吏

科都給事時南直霍邱令某御史崔呈秀已列薦劾
忽饋及大中門大中持疏發覺擊璫不遺餘力諸小
人狼顧無措起而媒孽刑部給事中傅魁首搆汪文
革職杜門讀易傳吉被逮下獄誣訊榜掠無一語惟
指堂中扁謂鎮撫許顯純曰此明心堂莫作昧心堂
也未幾斃崇禎登時自其冤賜祭葬
諡忠節建特祠詔長子學溥侍祭焉

王允昌 嘉興縣志字永叔世居桐鄉萬曆辛卯舉人授
思州司理陞貴陽郡丞天啟改元檄川兵援遼

倉寧據永寧以叛衛官盡降永寧貴陽屬也允昌度
兵寡難拒自誓必死乃以印及錢糧冊遣吏間道上

之撫按亡何賊來索印允昌縊死一門十三人悉
受屠戮事聞給祭葬贈光祿寺卿世襲錦衣千戶

費彥芳 嘉禾徵獻錄字爾英崇德人萬曆癸卯舉人知
隆德縣崇禎癸酉海賊入平涼界破靜寧州來

攻隆德直薄土城彥芳倉猝為守禦計城無兵乃斷
一指瀝血為書乞救於分守固原參政陸夢龍夢龍

星夜率兵援遇賊於綏德城下全軍皆沒彥芳死之
賊遂破隆德彥芳封印北面再拜歿自經賊掩至被

執馬不絕口賊剝殺之詔贈
靜寧州知州廕一子入監

夏祖訓 秀水縣志字仲有崇禎間以歲貢薦舉除雲南
呈貢令沐藩庄兵雜處久恣侵奪祖訓立法嚴

禁兵始不擾土人吾必奎叛據楚雄土兵沙定洲陰
蓄異志沐藩檄徵不赴及亂平始赴調所過縣邑蹂

躪一空祖訓撫馭多方德威並著沙威愧遣裨將詣
謝後沙復勒兵要請加銜不許襲破沐府走楚雄與

定洲相持年餘呈貢尤為
要地勢孤力盡赴水死

徐從治 嘉興府志字肩虞海鹽人萬曆進士知桐城築
堤一萬七千餘丈以息水患居官強直棒殺豪

貴蒼頭掠奪民妻者歷陞知濟南府濟南多大盜從
治求勇士孫玉增等二十三人厚摺畜之以待用陞

副使分巡兗東攜玉增等赴沂州白蓮教徐鴻儒反
鄆城攻陷鄒滕嶧縣聚眾數十萬掠漕艘僭服改元

從治監諸軍進討大破之檻鴻儒送京師進右叅政
滿兵濟南論平賊功加山東右布政使以病歸起山

西左布政使備兵薊州喜峰路兵乏餉而譚圖撫道
於遵化城從治單車入營變立定薊撫王元雅忌其

能因請終養再起山東左布政使武德兵備道兵救
於吳橋陷登州執巡撫孫元化從治監軍救登州將

孫玉增等八十騎而東敵築三臺礮擊城樓一角從
治命植柵補壞垣募死士夜斫營焚三臺敵穿地道

穴城從治亦穿濠城中以斷之縋繩擲火礮焚穴中
臭達於外相持七月餘屍山積從治巡城中飛礮陷

獻卒贈兵部尚書賜祭葬
立祠廕一子錦衣衛千戶

吳麟徵 撫李往哲編字嘉齋天啟壬戌進士崇禎五年
授吏科給事中時諫官章正宸抗言觸王應熊

被詔下獄麟徵特疏訟寃又上罷中官疏時行人熊
開元上書刺首輔周延儒科臣姜燠繼之皆下獄麟

徵申救上盛怒麟徵從容言曰小臣愛君忘所禁忌
日者天下洶洶首輔安所辭其責延儒忍汗伏地謝

死罪流寇迫畿甸麟徵奉命守西直門親桴鼓沖矢
石葺宿城上賊數十萬碎至郭外戍卒四散賊圍城

數重中夜發礮墮丸火碎几案麟徵神色自若賊偽
樹勤王旗叩門請入平官欲納之麟徵不可麾卒推

石布土壅塞之俄而兵部騎士持招勤王幟飛至請
出麟徵拒之因轉赴德勝門同守者曰為之奈何麟

微曰事去矣願見天子言狀至午門遇相魏藻德德曰上入宮誰為趣起今火石轟然城雉巖峻何遠言事去麟微度不能達望闕叩額號泣而去止道旁祠下曰吾得死所矣遂入戶自縊

國朝順治間賜諡貞肅

徐世淳

湖廣通志字中明秀水人萬曆戊午舉人兵部尚書必達之子崇禎間由重慶府推官知隨州時流寇倡亂兵無紀律世淳力為居民保護賊羅汝才圍城募士死守親身登陴屢請救不應城陷世淳猶率鄉兵巷戰中數十創罵不絕口賊手刃之妻妾僕婢同時赴難次子肇樞抱父屍且哭且罵賊刃交加臨死告州人以印所藏處事聞詔贈太僕卿諭祭葬肇樞贈國子監助教

湯執中

嘉興縣志嘉興人以掾史選江西廬陵丞崇禎壬午粵寇入吉安永豐直抵泰和白羊均百戶梁學兵寡被殺漸逼郡城執中率民勇集鄉兵禦賊賊突至殺巡檢龍德新民家盡被搜掠執中與賊遇於木湖洲奮勇刃賊墜地被害奉旨褒卹

陸燦

嘉興府志字振玉平湖人崇禎甲戌進士授濟南推官平反冤繫絕饋遺濟人尸祝之己卯城陷死

徐一源

河南通志字宙孟海鹽人歸德衛經歷崇禎十五年流寇犯歸德一源分防北門殺賊甚眾城破猶巷戰被執罵賊而死

李士標

嘉禾徵獻錄字霞舉嘉興人人國學以積分試上等授上林苑丞遷山東寧海州州同崇禎壬午冷口兵入圍州城甚迫歷三月城中食盡士標疾篤臥起於城上督守益力竟卒於雉堞間城遂陷士標妻沈氏率其妾婢僮僕凡二十三人同日死之

陸士鉉

平湖縣志字古雪八歲能詩性至孝以歲薦授訓導甲申聞變大慟絕粒死

彭期生

嘉興府志字觀民海鹽人宗孟子萬曆進士為徽州府學教授歷陞南昌知府巡撫楊邦憲風有司建魏忠賢生祠期生力持不可諸院司捐助數千金徽府董其成卒不發一緡丁憂服闋起濟南知府首罷車戶之役及厲民者數十條一郡若更生因重囚越獄坐謫獻賊陷袁臨吉左都御史李邦華請

於朝陞湖西道分巡僉事單車西行黃穀為巾朱絲繩繫劍曰斯二物所以報國而狗身者送者失色已而燬守贛州仍守嶺北贛州被圍滇越兵招之出走期生曰此吾死所將安往乎書絕命詞五紙分授五蒼頭曰五人未必皆生還有一人者歸此即訃音矣徐起自經死

李毓新

舊浙江通志字喬之自河南徙居嘉興崇禎間以進士授潮州司理上官廉其才令攝四篆時

惠潮流寇作亂制府屬毓新監紀卒用其議以平寇攝肇慶篆藩兵與民格鬪寇乘間竊發毓新步行勸論肇賴以安未幾聞寇姜世英等犯饒平大埔先後十餘戰捷奏列毓新首功行取未赴明亡遂避害次子禎先抱父屍死

徐石麒

舊浙江通志號虞求嘉興人舉進士授營繕主事會逆關張欲湯左相繼疾死坐賅各累干石

麒約同呈為魏大中償所坐黃太僕尊素為石麒鄉舉房師石麒獨力稱貸以輸關聞而嘆之坐是落職特旨改考功溫體仁當國石麒斥其私入尋轉應天府丞時大司寇鄭三俊以特讞失上意下於理石麒

極陳清直大臣以執法久繫上累至德上諭羣臣曰非不知二俊清安可自恃析律斲法召入為左迪

吳爾壘

舊浙江通志字介之石門人成進士授廣吉士

歷冢宰痛時事不可為引病歸及明亡北而再拜自縊妻孫氏一女在抱棄之赴水死立而不仆

陸清原

嘉禾徵獻錄字嗣白平湖人光祚曾孫崇禎甲

賊巢溫言慰諭賊驚投戈乞命按籍遣歸壬午名對陳時政十事上嘉納之授監察御史條上安攘七議出按福建行部至漳漳故多山寇清原廉得其奸細在城者絕其內應募壯士七百人鼓而山獲其渠魁斬以徇明亡自沈於江而死

沈方

嘉禾徵獻錄初名士端字彥方後改名方字大愚

羅汝材合兵至白馬渡方下車數日巡按宋一鶴知其才檄調往黃陂適革左六營自鳳皖西上犯黃安

方以舟師破之江上一鶴欲留方軍中而賊決河灌
汴秦督丁啟睿師潰川兵二萬調過荆門知州以疾
去官方馳還攝州事至即詰蜀師勞問開曉夫義
軍中肅然無犯汝寧陷死之家口十八人皆死

胡振芳

嘉禾徵獻錄字來子嘉興人天啟丁酉舉人授
慈谿教諭遷知嶧縣降漢陽經歷壬午以薦量

移斷水縣流寇聚英霍間遂及蘄州邑距寇不百里
振芳早夜防禦凡九十日乘城數十戰不能支為賊

所執迫降不從拔刀斫其肩氣絕復甦舊役德之
力負以趨山中有門生遇之將還家調護未幾卒

張龍德

嘉禾徵獻錄字鯤化以鄉貢為漢陽縣丞地濱
大江寇盜充斥條江防十二事上之不報轉湖

都司經歷罷歸城破與妻侯氏俱死
女適同邑徐世淳十稔標亦自縊

頃嘉謨

嘉禾徵獻錄字君馬嘉興人太學生正詩畫以
武健投薊遼守備時事掣肘棄官歸賜亡盡束

所著詩文於懷率其二子翼
心及妾張氏投天星河而死

國朝

屠洪基

廣東通志嘉興人順治八年令陽山西逆馬寶
犯城洪基繕檄糧督義勇登陴固守賊不

總鎮郭升援至洪基出城夾擊圍解截其歸路斬
甚衆招徠難民還定安集次年寶復與黨曹志建

攻陷連山連州進攻陽山洪基堅守如前賊黨高必
正復率步騎萬餘環城夾攻凡四日夜城陷被執不

屈罵賊死之逾月郭升督兵
至竟洪基遺骸得之河南坪

錢榜

福建名宦冊字芄生嘉善人中丞士晉子順治三
年隨征入閩署將樂令會山寇吳長文謝七寶等

竊發建寧失守將樂被圍城中無兵榜與丞方抗督
領鄉勇登陴拒之堅守九月城破率家丁夏亮中沈

貴巷戰手刃二賊馬蹶被殺家丁死者數人雍正五
年榜孫禮部侍郎以壇陳情事下閣部查議奉

旨卹廕贈按察司僉
事祀功臣廟

張行健

表忠冊海鹽人任徽州祁門大洪嶺兼良禾司
巡檢康熙十三年饒寇犯境被執賊脅之降大

罵不屈賊怒斫其兩臂罵益甚納之坎中以刃割其
腹呼曰我死必為厲鬼以滅汝遂殞胥役方茂胡振

並從死

湖州府

三國吳

吾粲

國志本傳字孔休烏程人孫河為縣長粲為小吏河深奇之河後為將軍得自選長史表粲為曲阿丞選為長史治有名績孫權為車騎將軍名為叅軍校尉黃武元年與呂範賀齊等俱以舟師拒魏將曹休於洞口值天雨大風諸船縋絕漂沒着岸為魏所獲或覆沒沉溺其大船尚存者水中生人皆攀援呼號粲史士恐船傾沒皆以戈矛撞擊不受粲獨令船人取之左右以為船重必敗粲曰船敗當俱死耳人窮奈何棄之所活者百餘人遷會稽太守粲募合人眾與呂岱討平山越人為屯騎校尉少府遷太子太傅適二宮之變抗言執正明嫡庶之分欲使魯王霸出駐夏口遣楊竺不得在都邑又數以消息語陸遜遜時駐武昌連表諫爭由此為霸竺等所譖害下獄誅

晉

沈勁

晉書本傳字世堅武康人父充與王敦構逆為曲將吳儒所殺勁當坐誅鄉人錢舉匿之得免勁少有節操哀父死於非義志欲立勲雪恥以刑家不得仕進郡將王胡之異之疏勁清操詔聽之升平中慕容恪侵逼山陵時冠軍將軍陳祐守洛陽勁自表求助効力因以勁補冠軍長史令自募壯士得千餘人助祐擊賊以寡制眾糧盡援絕祐懼不保會賊寇許昌祐因以救許昌為名留勁以五百人守城祐率眾而東會許昌已沒祐奔岷塢勁志欲致命欣獲死所尋為恪所攻城陷被執神氣自若恪奇而將宥之中軍將軍慕容虔曰勁雖奇士觀其志度終不為人用殺之必為後患遂遇害恪還言於慕容暉曰定洛而殺沈勁實有愧於四海

南北朝

邱冠先

南史本傳字道元烏程人少有節義齊永明中位給事中時求使蠕蠕國尚書令王儉言冠先

雖名位未升而義行甚重若為行人則藉武鄭眾之流也於是使蠕蠕蠕蠕逼令拜冠先執節不從以刃臨之冠先日能殺我者蠕蠕也不能

沈浚

梁書本傳字叔源武康人歷山陰建康令入為中書郎尚書左丞侯景過京城遷御史中丞是時外

援並至景表求和許之既盟景卸城內疾疫復懷姦計遲疑不去皇太子令浚諭景所景曰即已向熱非復行時十萬之師何由可去還欲立劾朝廷君見可為申聞浚曰將軍此論意在得城城內兵糧尚支百日將軍儲積內盡國家援軍外集十萬之眾將何所資而反設此言欲脅朝廷耶景橫刃於膝瞋目叱之浚正色責景曰明公親是人臣舉兵向闕聖主申恩赦過已共結盟口血未乾而有翻背沈浚六十之年且天子之使死生有命豈畏逆臣之刃乎不顧而出景曰是真司直也然密衛之及破張曠乃求浚害之章華南史本傳吳興章華字仲宗家本農人至華獨好學通經史善屬文侯景之亂游嶺南居羅浮山寺歐陽頔為廣州刺史署為南海太守顛子紀敗乃還

章華

南史本傳吳興章華字仲宗家本農人至華獨好學通經史善屬文侯景之亂游嶺南居羅浮山寺

書極諫吳大帝曰陛下即位於今五年矣而國之艱難不知天命之可畏溺於嬖寵惑於佞諂而不出拜三如而臨軒老臣宿將棄之草莽臣等而升之朝廷今封疆日蹙隋軍壓境陛下如不改絃易張臣見麋鹿復游於姑蘇矣書奏後主大怒即日斬之

隋

沈光

隋書本傳字總持吳興人少驍捷畧綜書記煬帝徵天下驍勇之士光預焉及從帝攻遼東以衝梯

擊城竿長十五丈光升其端臨城與戰短兵接殺十數人帝壯異之馳名與語大悅拜朝請大夫未幾為折衝郎及江都之難潛構義勇將為帝復讐宇文化及光驍勇方任之令其總統營於禁內時孟才錢傑等陰圖化及因謂光曰俯首事讐有配面目何用生為吾必欲殺之死無所恨公義士也肯從我乎光泣下霑衿曰僕給使數百人並荷先帝恩遇今在化及營內以此復讐如鷹鷂之逐鳥雀萬世之功在此一舉願將軍勉之孟才領江淮之眾數千人期以將發時晨起襲化及語洩化及大懼是夜即與腹心

走出營外司馬德哉等遣領兵馬逮捕孟才光聞營內喧聲不及披甲即襲化及營空無所獲值舍人元敏數而斬之遇德戡兵入四面圍合光大呼潰圍斬首數十級賊皆披靡德勤輒復遣騎射之光身無介冑遂為所害麾下數百人皆闕而死一無降者

唐

沈清 西吳里語烏程人為婺州刺史大甲李希烈陷山行沈將軍廟

將軍廟

宋

劉士英 宋史本傳宜和間為温州教授方臘陷處州州人爭欲遁士英獨身任責推茂才石彌為謀主

治兵時糧籍保伍分其地為八隅委官兵統率以鐘為約令民間鐘聲則趨所守堞未幾賊來攻拒守凡四十餘日官軍既至賊潰去靖康初通判太原府全人入境帥臣張孝純欲避之士英率通判方笈將官

王果力止及城陷寧赴火死士英時短兵接戰死之

諱按宋林景熙永嘉忠烈廟記以士英為雷州人

朱躡 宋史本傳安吉人知錢塘縣建炎三年金人陷

前後拒敵行二十里退金兵躡兩中流矢左右

章德 以世革歸隱元世祖合故案官納誥勅鑄不

肯自以世食宋祿坐未嘗北向宋人之法於元者皆絕之不與往還

徐俊 湖州府志字英父德清人以明經為國子生

不仕元至元中累召不起言及故宋時政

游汶 嘉靖浙江通志字魯望德清人咸淳中歷江西江

非汶與論事忠誠懇惻至於流涕遂罷官家居元世祖時抗節不仕叅政蒲大年以遺老奏名為福建總

管堅辭不就所衣一布袍書其背曰前宋遺民不問燕居叙會晴雨寒暑未嘗脫解

陳存嘉靖浙江通志安吉人累官兵部尚書端明制置使宋亡元遣使七徵不起尋遘疾却醫絕食旬有

四日卒

欽德載尚友錄吳興人仕為都督計議官宋亡德載不肯送降款元兵帥募生致其人議欲官之德載不

裂其板授書即遁隱碧巒山中楊維禎作詩弔之

元

王簡閩書字伯敬霑化人家烏程至正中為信州路推官陞福建都轉運副使將行會紅巾賊警報州兵

擁馬首拜泣曰賊且至公吾父母忍舍我耶廉訪使乞留已賊果至簡輾四門募訓練諭廉各相保頃之賊分道入簡率中子相引兵與賊戰居數日賊突入簡奮身力戰俄而馬中流矢遂被執誠曰公廉能素著吾屈公仍尹此州簡曰受命守州義當殺賊今有死耳賊強之跪簡曰此膝可斷不跪

賊也賊怒毆之簡嚼舌噴血賊面大罵遂殺之而受刃頸斷湧白液如乳體尚不仆數日面色如生民老稚號哭晝夜不絕簡死相亦被執賊欲官之相曰汝逆君又殺吾父不共戴天而尚爾官耶亦死之相妻潘亦被執賊首欲亂之潘及二幼女皆死焉次子楨襲父爵除紹興路總管張士誠陷郡亦不屈死

明

郎理嘉靖湖州府志字子中安吉人洪武己巳由舉人授戶部主事山西大歉逋賦上特命理往徵之未

行會雷震謹身殿大赦悉免天下逋負尋詔止免三分命理往陞見從容言曰陛下法堯舜以為治德教加於百姓恩澤遍於四海今已布大信而復更之如天下何且山西大饑民皆殍死取非其時似與古兩稅三限之法戾矣臣不敢奉命上怒以所持杖擲之致折金鑽左股理弗為動仍命督徵理陳辭益堅上怒叱令棄市已而悔之賜祭焉

施仕西江志湖州人任廣信千戶所吏目正德己卯宸濠之變賊黨數百人過信掠永豐欲從間道趨閩

南作... 住時為巡捕追至永豐雙山遇賊力戰不屈死之

臧應奎 分省人物考 字賢徵 湖州人 正德丁丑進士 授南京兵部車駕司 時中官以進貢索多船利私

載應奎力為裁抑卒譴焉叱左右執之乃遁去丁內艱起補禮部郎中嘉靖初以爭大禮跪門哀慟賜廷杖死於杖下臨絕其從父志觀往視之索筆書云不當與弟應璧異居書罷而逝

凌義渠 韓襄雙忠傳 字駿甫 號若柯 歸安人 天啟乙丑進士 選行人三使 不辱命 考授禮垣 旋都樞垣

凡寇敵情形撫鎮功罪口談手畫靡不悉中機宜當事忌之外遷閩中叅政陞蘇松兵備勦平福山海寇陸山東右藩與勦梁山賊有城守功陞南京光祿寺卿踰年召為北京大理寺卿甲申三月閩寇犯闕夜傳召對疾趨長安門則無人門焉者拱立達曙門竟不啟返就舍城陷義渠舉首觸柱血淋漓活襟旋易緋袍設香案正笏向闕拜復南望遙拜上父書曰盡忠節所以盡孝男視死如歸含笑入地矣僕請遺命義渠曰可書我柩云死節孤臣凌義渠之柩終無他言遂掩扉投繯而逝

國朝賜諡忠介 建表忠祠 溫璜 浙江通志 字寶忠 為程人舉進士任徽州司李

過求今日處死之道時女方寤起璜手刃之茅亦自到璜抽刀自到氣未絕復以手扶其喉而死

嚴覺 南通志 字知非 歸安人 萬曆丙午舉人 知巢縣事 崇禎八年流賊陷巢被執不屈闔門罹害

吳士義 歸安縣志 字以行 歸安人 由例貢仕 長沙二尹 署縣事 崇禎中流賊圍城數月城陷賊舉刃相向百姓號慟為請命士義罵不絕口遂遇害全家殉焉事聞贈文林郎

國朝 黎樹聲 舊浙江通志 字仲寶 烏程人 丁卯舉人 任福州

司李 署興化府 築海寇破城 樹聲不屈遂遇害

聞賜祭葬 贈按察使 廕一子 徐尙介 德清縣志 字于石 貢於鄉 除靈山令 時粵地竊

據未下 毅然往移 署陸安 甫踰月代者至 因客

忠臣一

羊城幾一年象郡始通乃往象郡而青牛城困尙介
戎服登陴躬背矢石解其圍明年五月赴靈山民皆
獸散值歲旱披髮跣躄百姓感其誠稍稍來附守弁
不戒於軍民不安寢是以不敢請益兵賊乃棄虛而
來城中之人皆敵也賊謀而前曰令何在必殺令尙
介厲聲曰我靈山長官徐尙介也遂格以刃刃絕格
以手手創汚血濺衣子修跪而泣尙介曰丈夫有死
耳我不能爲
朝廷捍一邑毋收吾骨也奪刀自刎不得爲賊所殺子修
及僕朱貴俱死之事

聞贈廣東按察司僉事磨一子修妻陳氏
守貞數十年人稱一門忠孝節義云

尹衡 舊志通志字平之歸安人順治己丑進士授樂
平令時江右伏莽未靖環夜窺城衡格鬪而死祀

忠節祠

慎淑仞 廣東通志歸安人知羅定州西寇吳子聖破城
與州同金芳更目陳炳新各赴漣澗溺死芳義

烏人炳新
山陰人


姚延儒 湖廣通志字爾真烏程人由拔貢順治五年任
南漳縣有清惠聲逆賊郝搖旗等陷城被執罵

不絕口死之
賜祭葬贈按察司僉事

車君乘 公舉事實德清人由歲貢順治六年選授廣西
柳州府武宣縣知縣時草寇未平君乘赴任兩

月率弟君稷捍禦力盡罵賊不屈同死之妾陸氏幼
子不二僮僕數人盡被難雍正六年奉

旌表



天保堂

